

АССАЛОМ, НАВРЎЗИ ОЛАМ!

Қонунчилик ва ҳуқуқ-тартибот учун!



ПОСЕТГА

ГАЗЕТА 1930 йил 12 МАЙДАН ЧИКА БОШЛАГАН • Ўзбекистон Республикаси ИИВ нашри • 2004 йил 18 март пайшанба • 12 (3540)-сон

АЙЁМИНГИЗ МУБОРАК!

Ички ишлар идораларининг барча ходимлари, Ички ва Қоровул қўшинлари ҳарбий хизматчилари, таълим муассасаларининг ўқитувчи, профессор, тингловчи ва курсантларини, хизмат вазифасини ўташ чоғида ҳалок бўлган ходимларнинг оила аъзолари ҳамда ички иш-

лар идоралари фахрийларини Наврўзи олам билан самимий табриклайман.
Янгиланиш, бахт ва гўзаллик тимсоли бўлмиш ушбу баҳор айёмида сизларга сиҳат-саломатлик, узоқ умр, тинчлик-хотиржамлик тилайман. Эл-юрт осойишталиги, Ватан равнақи йўли-

да олиб бораётган машаққатли, лекин хайрли ишларингизда улкан зафарлар ёр бўлсин.
Муборак айём – Наврўзи олам хонадонингизга файзу борака олиб келсин.
Зокиржон АЛМАТОВ,
Ўзбекистон Республикаси
Ички ишлар вазири,
ички хизмат генерал-полковниги.

УШБУ СОНДА: НАВРЎЗ ТИЛАКЛАРИ

«Бу йил 90 баҳорни қаршила-яман. Фарзандларим ва невараларимга насиҳат қилганда тинчликнинг қадрига етайлик, унинг баҳоси йўқ дейман. Муаззам байрам кунлари юртимизда тинчлик ва осойишталикни сақлаш йўлида фидойилик кўрсатаётган ички ишлар ходимларининг танлари соғ, оилалари тотув, рўзгорлари бут бўлсин, дея дуо қиламан...»



2

Саодатли Кун

«...Ўлкамизнинг барча сўлим гўшаларида Наврўзи олам шодиёнасига қизгин тайёргарлик кўрилмоқда. Халқимиз қадимий меҳнат ва баҳор байрамини бу йил ҳам ўзига хос кўтаринкилик, янгича руҳ билан қарши ола-япти...»

3

Хайрли ишлар Дебочаси

«Бугунги кунда Хоразм вилоятининг барча маҳалла ва қишлоқларида маҳалла посбонлари, қишлоқ фуқаролар йиғини раислари, маҳалла оқсоқоллари ва профилактика инспекторлари ҳамкорликда қатор ибратли ишларни амалга оширмоқдалар. Қўшқўпир туманидаги «Ҳазовот» қишлоғида ўзбек, рус, туркман, қозоқ, татар каби ўн бир миллат вакиллари бири оила фарзандларидек тинч-тотув ҳаёт кечиршишмоқда...»

4

Шунингдек, газетамиз саҳифаларида кроссвордлар, спорт хабарлари, криминал воқеалар ва бошқа материаллар билан танишасиз.



UCHINCHI «Посетга» gazetasing ilovasi
TANIQLI KISHILAR BILAN UCHRASHUV, HAJVIYA, XANDALAR, KROSSVORD, SKANVORD, MUNAJJIMLAR BASHORATI, HAYRATOMUZ VOQEALAR, SALOMATLIK SABOQLARI SPORT YANGILIKLARI, INTERNET XABARLARI
TV O'LAM

ЎЛУБОН, ҲАР КУНИНГ ЎЛСУН НАВРЎЗ!

САОДАТЛИ КУН

Ўлкамизнинг барча сўлим гўшаларида Наврўзи олам шодиёнасига қизгин тайёргарлик кўрилмоқда. Халқимиз қадимий меҳнат ва баҳор байрамини бу йил ҳам ўзига хос кўтаринкилик, янги руҳ билан қарши олаяпти. Асрлар бўйи халқимиз дардию қувончларига эш бўлиб келган Наврўз деҳқонларнинг баҳорий удумлари, кўкламни эъзозлаш билан боғлиқ маросим ва эътиқодлари асосида

бундан уч ярим-тўрт минг йилча бурун пайдо бўлган умумхалқ байрамидир. Бу байрам ерни севиш, меҳнатни қадрлаш, кўклам мўъжизаларидан лаззатланиш, ҳаётнинг боқийлигига иймон келтиришга ўргатади. Наврўз эски йил тугаб, янгиси бошланадиган, деҳқон умид билан ерга барака уруги қадайдиган, чўпон кўй-кўзиларини ям-яшил ўтлоққа ёядиган саодатли кундир. Бу кунда эзгулик тантана қилади.

Аждодларимиз Наврўзнинг пайдо бўлишини табиатнинг янгилашиши, офтоб, нур, меҳнат, баҳор, кут-барака билан боғлайдилар. Кўкламги меҳнат мавсумини ана шу айёмдан бошлашга одатланган халқлар бу анъанавий байрам ҳақида бири-бирдан қизиқарли афсоналар яратганлар. Шулардан айримлари Абу Райҳон Берунийнинг "Қадимги аждодлардан қолган ёдгорликлар", Умар Ҳайёмнинг "Наврўзнама" асарларида

ҳам ёритилган. Уларда Наврўзнинг қачон ва қай тарих пайдо бўлганлиги ҳақида аниқ маълумот берилмасда-да, ушбу кўклам шодиёнасининг асоси жуда қадимийлигини кўрсатади.

Наврўз билан боғлиқ маросим ва удумлар, қадимий кўшиқлар, болалар ўйинлари, бойчечак, лола, гул сайиллари тобора шаклланиб, ҳаётимизга чуқур сингиб бормоқда. Элимизга олам-олам қувонч ва шодликлар келтирувчи бу умрбоқий қадрият ҳамиша қалб ардоғига айланаверсин!

Г. МАМАЖОНОВА.

Ҳеч шубҳа йўқки, ер юзида энг қадимий, шу билан бирга, энг навқирон айём бўлган Наврўз нафақат бизнинг минтақамизда, балки бутун Шарқ оламида катта шодиёна билан нишонланадиган гўзал байрамдир.

Ислом КАРИМОВ.

*Яхши одам кўзидан маълум,
Яхши йил Наврўздан.*

*Наврўздан сўнг қиш бўлмас,
Мезондан сўнг ёз бўлмас.*

НАВРЎЗ ТИЛАКЛАРИ



Артур НАЗАРКИН, Тошкент шаҳар ИИББ ЙХХБ ЙПХ бригадаси 5-отрядининг ЙПХ ходими, милиция сержанти:

– Байрам арафасида ўзимга белгиланган йўналишда хизмат бурчимни ўтаяпману, ҳайдовчиларни кузатаман. Уларнинг чехрасида табассум, кўтаринки кайфият сезилиб турибди. Ҳайдовчидан тортиб йўловчию, йўлаклар бўйлаб бораётган опа-сингиллар, отахонлар, шўх-шодон болажонлар баҳорни, Наврўзни соғингани рост. Серкўёш ўлкамиз, мустақил диёримизда ҳар доим мана шундай баҳорий кайфият ҳукм суришини истайман.

УЮШҚОҚЛИК БИЛАН

Жиззах вилояти ички ишлар идоралари ходимлари маъмурий биноларнинг атрофи, ҳовли ва боғларни ободонлаштиришди. Шунингдек, мевали ва манзарали дарахтлар ўтказилди, гул уруғлари сепилди, мавжуд майдонлар табиий ўғитлар билан озиклантирилди. Вилоят ИИБ кинология, жанговар тайёргарлик марказлари, Фахрийлар кенгаши ва вояга етмаганларга ижтимоий ҳуқуқий ёрдам кўрсатиш марказининг янгидан таъмирланаётган биноларида ходимлар ғайрат билан меҳнат қилишди.

Хайрия ҳашари вилоятнинг энг чекка туманлари ҳисобланган Янгиобод, Зомин ва Бахмал туманларида ҳам намунали ўтди.

Б. БЕГИМҚУЛОВ.

ТЕВАРАК-АТРОФ ЯШНАБ ТУРСА...

– Наврўзи оламни ўзгача тараддуд билан кутиб олишга одатланганмиз. Бу йил ҳам айём олди юмушлари бошланганига анча бўлди, – дейди Навоий вилояти ИИБ бошлигининг ўринбосари, ички хизмат подполковниги Б. Нарзулдаев.

Сўхбатимиз бошқарма ва унинг тизимларида олиб борилаётган ободончилик, кўкаламзорлаштириш ва қурилиш-таъмирлаш ишлари ҳақида борар экан, у киши қуйидагиларга тўхталиб ўтди:

– Йил бошидан яхши ният билан бошқарма биноси атрофи, ҳовли ва йўлакларни таъмирлаш, обод қилишга киришдик. Шу мақсадда

турфа гул буталари, манзарали дарахт кўчатлари ўтказилди. Бошқарма ҳовлисининг бир тарафида буюк соҳибқирон бобомига Амир Темур шарафига мўъжазгина боғ ташкил қилинган эди. Бу йил боққа янги ниҳоллар ўтказилди, дарахтларга шакл берилди. Теварак-атроф яшнаб турса, тоза, ораста бўлса кишига ўзгача руҳ, тетиклик бағишлайди. Бу эса ўз навбатида хизмат самарадорлиги ошишига омил бўлади. Хизмат хоналарини таъмирлаш, бунёдкорлик ишларига ҳам алоҳида эътибор қаратилди. Ўтган йили мустақиллик байрами

олдидан бошқарма ППХ ва ЖТСБ ходимлари учун ажратилган бино таъмирдан чиқарилиб, фойдаланишга топширилган эди.



Ҳозирги кунда бу ерда кенг кўламда ободончилик ва кўкаламзорлаштириш ишлари давом эттирилмоқда. Бир-

бирдан гўзал ва хушбўй гул буталари сараланиб ўтказилди. Спорт майдончаси ташкил этилди.

Бу каби тадбирлар Навоий шаҳар ички ишлар бўлимида ҳам қизгин олиб борилаяпти. Кўкламнинг илк кунлариданоқ нафақат бўлим биносининг теварак-атрофи, балки маҳалла ва кўчалар ҳам обод, ораста бўлишини таъминлашга киришилди, ҳашар уюштирилиб, манзарали дарахт кўчатлари экилди, мавжуд дарахт ва гулларга ишлов берилди. Теварак-атроф тозаланди. Мақсадимиз – юртимиз янада обод бўлсин.

Нигора РАҲИМОВА,
милиция капитани.

Наманган вилояти ички ишлар бошқармасида Наврўз олди ишлар бошлаб юборилди. Ички ишлар тизими ходимлари 13 ва 14 март кунлари ўтказилган умумхалқ хайрия ҳашарида уюшқоқлик билан иштирок этишди. Хизмат хоналари, бино ва теварак-атроф тозаланди. Гул буталари ва манзарали дарахтлар ниҳоллари экилди, мавжуд дарахтларга шакл берилиб оқланди, кўча ва ҳовлилар ободонлаштирилди.

ОБОДЛИК КЎНГИЛДАН БОШЛАНАДИ

Ободлик кўнгилдан бошланади, деб беҳиз айтилмаган. Байрам арафасида ички ишлар идораларида узок йиллар меҳнат қилиб, ҳозирда истеъфода бўлган бетоб фахрийлар, боқувчисини йўқотган, хизмат вақтида ҳалок бўлган собиқ ходимларнинг оила аъзолари йўқланди, уларга моддий ёрдам кўрсатилди.

рий таомлар тайёрлаш анъанага айланган. Вилоят ички ишлар идораларида ҳам минг дардга даво – сумалак пишириб тарқатилди. Ҳозирда байрамни кўтаринки кайфиятда кутиб олиш ва нишонлаш мақсадида хушовоз хонандалар иштирокида концерт дастури тайёрланмоқда.

Д. ТУРҒУНОВА,
милиция лейтенанти.

ТАЙЁРГАРЛИК ҚИЗҒИН

Тошкент вилояти ИИБ шахсий таркиби Наврўз айёмини муносиб нишонлаш бўйича чора-тадбирлар белгилади. Халқ сайллари, оммавий тантаналар ўтадиган жойларда жамоат тартибини сақлаш, тартибсизликларга йўл қўймаслик, қоғдабузарликларнинг олдини олиш учун мавжуд куч ва воситалар қайта тақсимланди. Ходимларга тегишли йўл-йўриқлар берилди. Алоқа, транспорт воситаларининг шайлиги текширилди.

Наврўз айёми кунлари хизмат вазифасини бажариш чоғида ҳалок бўлганларнинг оила аъзолари, ногиронлар, ёрдамга муҳтож оилалар, меҳнат фахрийларининг ҳолидан хабар олиниб, моддий ёрдам кўрсатилади. Худди шундай хайрли ишларни шаҳар, туман ИИБлари, ҳудудлардаги профилактика инспекторлари ҳам бажарадилар.

Ўз мухбиримиз.

НАВРЎЗ ТИЛАКЛАРИ

Жамолiddин Ҳайитматов, пойтахтимиздаги 18-ХЕХК ёнғин ўчирувчиси, ички хизмат сержанти: – Юртимизда байрамлар кўп. Наврўзнинг таровати бошқача. Ҳаммаёқ яшиллик, гулларга бурканади. Болалигимдан севган касбимни, яъни ўт ўчирувчиликни айнан кўкламда бошлаганман. Шунинг учун ҳам Наврўз мен учун айниқса, қадрли. Кўпинча айём куни жанговар постда бўламан. Ёнғин рўй бермаса биз, ўт ўчирувчилар учун қувончлидир. Барча юртдошларимни қутлуғ айём билан муборакбод этаман.



А. ТЕМИРОВ олган суратлар.

Хизматларда

Тадбир

ХАЙРЛИ ИШЛАР ДЕБОЧАСИ

Бугунги кунда Хоразм вилоятининг барча маҳалла ва қишлоқларида маҳалла посбонлари, қишлоқ фуқаролар йигини раислари, маҳалла оқсоқоллари ва профилактика инспекторлари ҳамкорликда қатор ибратли ишларни амалга оширмоқдалар. Қўшқўпир туманидаги “Газовот” қишлоғида ўзбек, рус, туркман, қозок, татар каби ўн бир миллат вакиллари бир оила фарзандларидек тинч-тотув ҳаёт кечиршишмоқда.

– Ушбу ҳудудда 13 минг 450 нафардан ортиқ фуқаро истиқомат қилади, – дейди туман ИИБ ҲООБ профилактика инспектори, милиция лейтенанти Оғажон Рўзметов, – Аҳоли тинчлигини таъминлаш, жино-

ятчиликнинг олдини олиш мақсадида еттига тунги навбатчилик гуруҳлари ташкил қилганмиз. Улар ўзларига бир-китилган ҳудудларни доимий назорат остига олишган. Қишлоқ аҳлининг аҳиллиги туфай-

ли шу кунгача биронта жиноят юз бермади.

Ўтган йили газовотликлар замон талабларига жавоб берадиган милиция таянч пункти биноси ишга туширилишидан ниҳоятда мамнун бўлишганди. Хозирда қишлоқ аҳли фуқаролар йигини раиси, маҳалла оқсоқоли, педагог-тарбиячи, яраштириш комиссияси аъзолари, профилактика инспекторлари фаолият кўрсатаётган масканга келиб, барча муаммоларини осонгина ҳал қилишяпти. Бу жой қишлоқ ёшларининг ҳам сеvimли даргоҳига айланган. Улар футбол, волейбол, стол тенниси, шахмат-шашка каби кўплаб спорт турлари билан шуғулланишади. Мўъжазгина кутубхона китобхонлар билан гавжум,

“Газовот”да тўй – маъракаларни ҳамжихатликда ўтказиш, ортиқча сарф-ҳаражатларга йўл қўймаслик, ночор оилаларга моддий ёрдам кўрсатиш масалаларига ҳам алоҳида эътибор берилляпти. Қишлоқда “Энг ибратли хонадон” кўрик танлови ўтказила бошлангани эса оилавий муносабатларни мустаҳкамлаш, келишмовчиликларнинг олдини олишда муҳим аҳамият касб этмоқда.

Яқинда туман ҳокимлиги, прокуратура ҳамда ички ишлар бўлими томонидан Меҳр ва мурувват йили муносабати билан қишлоқдаги кам таъминланган, ногирон ҳамда боқувчисини йўқотган қирқдан ортиқ оилага моддий ёрдам берилди. Ўн икки фуқаро эса кундалик истеъмол моллари билан таъминланди. Бундай хайрли ишлар тумандаги бошқа қишлоқларда ҳам давом этаётганига ишончимиз комил.

Х. ЖАББОРОВ.

СУРАТДА: туман ИИБ бошлиғи ўринбосари, милиция капитани Ҳамдам Хўжашиёзов ва Ҳуқуқбузарликнинг олдини олиш гуруҳи катта инспектори, милиция майори Бектурди Раматовлар “Газовот” қишлоғидаги маҳалла посбонлари билан суҳбатлашмоқда.

Жумабой ҚОЗОҚ олган сурат.



КИНОЛОГ ВОҚЕА ЖОЙИГА ЧИҚДИ...

Милиционер-кинолог, милиция сержанти Мўмин Эсонов ўзига бириктирилган “Ена” лақабли хизмат ити ертўлага йўналиши билан хонадон соҳибининг ранги ўзгара бошлади. “Ена” ертўладан 230 грамм марихуана топди. Аммо бу ҳали ҳаммаси эмас экан. У яна безовталана бошлади. Ит оғилхонадан яна 1-килограмму 615 грамм ана шундай гиёҳвандлик моддасини ички ишлар ходимларига “кўрсатди”. Бу ашъвий далил Тўрақўрғон тумани Яндама қишлоғида яшовчи А. Абдулборини панжара ортига равона қилиш учун етарли эди.

– Итларнинг инсонга садоқат билан хизмат қилиши кишини тўлқинлантиради, бу беозор жониворга нисбатан меҳрингиз ортади, – дейди вилоят ИИБ ППХ ва ЖТСБ кинология хизмати бўлим бошлиғи, милиция лейтенанти Абсалим Кенжаев. – Бизнинг ишимиз жуда қизиқарли, сабаби, жонивор тилингизни тушунмасан-да, бажарилиши лозим бўлган вазифани уддалашга ҳаракат қилади. Бугунги кунда вилоят ИИБ питомнигида 140 тага яқин хизмат итлари тўрт йўналишда тарбияланмоқда.

Соҳани янада ривожлантириш тўғрисидаги ҳукуратимиз қарори жиноятчиликка қарши кураш, унинг олдини олиш, содир

этилган жиноятларни фош этишда кинология хизматининг кенг имкониятларидан унумли фойдаланиши таъминлашга қаратилган. Наманган вилояти ИИБ раҳбарияти ушбу хизматга алоҳида эътибор қаратаётганининг боиси ҳам шунда. Ўтган йили хизмат итларини сақлаш питомнигида жуда катта қурилиш-таъмирлаш ишлари амалга оширилди. Учта ўқув, бўлим ва бўлинма бошлиқлари учун хизмат хоналари қуриб битказилди. Бундан ташқари ветеринария хизмати хонаси ва 60 ўринли вольер қайта таъмирланиб, ходимлар учун ҳам, хизмат итлари учун ҳам шароит яхшиланди. Ветеринария бўлими етук мутахассис ва керакли дори-дармонлар билан таъминланди.

Аммо самарадорликни оширишда моддий таъминотнинг ўзи камлик қилади. Кинология хизмати ходимларининг касб маҳоратини юксалтириш, хизмат итларини махсус йўналишларда тарбиялаш катта аҳамиятга эгаллиги сир эмас. Шу боис милиционер-кинологлар учун ўқув ва амалий машғуллотлар ташкил этилган. Кўрсатилган эътибор, ғамхўрликдан руҳланган кинологлар юқори кўрсаткичларга эришишга ҳаракат қилишмоқда. Ўтган йили улар ўзларига бириктирилган хизмат итлари билан 390 дан ортиқ воқеа жойларига чиқиб, аксарият жиноятлар фош этилишига эришдилар. Масалан, шаҳарнинг 3-кичик тумани ҳудудидан номаълум ким-

санинг жасади топилди. Тезкор қидирувлар натижасида жасаднинг шахси аниқланди. Қотиллик сабаби эси номаълум эди. Ушбу масалага аниқлик киритиш мақсадида милициянинг барча хизматлари жалб қилинди. Милиционер-кинолог, милиция сержанти Учқун Иномовга бириктирилган “Ленси” лақабли хизмат ити воқеа жойидан ис олди. Уни диққат билан кузатаётган кинолог итнинг ортидан борди. Кўп қаватли уйлardan бирининг олдида борганда “Ленси” тўхтади. Милиция ходимлари жиноятчини шу бинодан қидиришди ва топишди.

Соҳа ходимлари жиноят қидирув ва терроризмга қарши кураш, йўл ҳаракати хавфсизлиги ҳамда кўриқлаш бошқармалари билан мунтазам алоқада. Бундан ташқари оммавий тадбирлар пайтида жамоат тартибини сақлаш, хавфсизликни таъминлашда ҳам иштирок этишяпти. Жиноятчиликнинг олдини олиш, содир этилган жиноятларни фош этишда милиция лейтенанти Абсалим Кенжаев, милиция старшинаси Рўзимухаммад Ҳайдаров, милиция сержантлари Илҳомжон Жўраев, Исроил Убайдуллаев, Равшан Ҳамидовлар бошқаларга ўрнатилган кўрсатишмоқда. Уларнинг ютуғи — мунтазам ўз устларида ишлашларида десак, муболаға бўлмайди.

Дилбар ТУРҲУНОВА,
милиция лейтенанти.



Маросимда иштирок этган республика ИИБ ҳузуридаги “Кўриқлаш” Республика бирлашмаси бошлиғи ўринбосари, милиция полковниги Х. Раҳматуллаев, вилоят ИИБ бошлиғи ўринбосари, милиция подполковниги Т. Ҳошимов, вилоят ИИБ ҳузуридаги кўриқлаш бўлими бошлиғи, милиция подполковниги Н. Ахановлар сўзга чиқиб фахрийларга эзгу тилаклар билдиришди. Уларга эсдалик совғалари топширилди.

Ўз навбатида фахрийлар кўрсатилган мурувват учун миннатдорчилик изҳор этдилар.

Умрзоқ ҒАФҒОРОВ,
милиция катта сержанти.
Суратда: тадбирдан лавҳа.

САФ КЎРИГИ

Наврўз байрамига тайёргарлик кўриш ва ўтказиш мобайнида жамоат тартибини сақлаш ҳамда хавфсизликни таъминлашга жалб этилган республика ички ишлар идоралари, Ички ва Қоровул кўшинлари, таълим муассасалари шахсий таркиби билан саф кўриклари ўтказилди. Унда шахсий таркибнинг хизмат кийимлари ва анжомлар билан тўлиқ таъминланганлиги аниқланди. Хизматга жалб этилган патруль-пост ва жамоат тартибини сақлаш, йўл ҳаракати хавфсизлиги ҳамда махсус тизимлар ходимларининг қурол-аслаҳа, транспорт, махсус воситалар билан таъминлангани, уларнинг техник ҳолати, тайёргарлиги ҳам текширилди.

Ички ишлар идоралари, Ички ва Қоровул кўшинлари шахсий таркиби ўртасида ўз вазифасига масъулия билан ёндашиш, хизмат интизоми ва қонунчиликка риоя қилиш, фуқаролар билан ҳушмуомала бўлиш, хизмат кийимларини кийишда белгиланган тартибга амал қилиш, хавфсизлик чоралари тўғрисида хизмат олди йўриқномалари ўтказилди.

Б. БУКСИНБАЕВ,
милиция подполковниги.

Ҳаракат хавфсизлиги

ТЕМИРЙЎЛ КЕСИШМАСИДАН ЎТАЁТГАНДА...

Кейинги пайтда темир йўл тармоғи кенгайиб, поездлар ҳаракатланиши жадал суръатлар билан ўсиб бораётир. Бу темир йўл кесишмаларида йўл-транспорт ҳодисаларининг олдини олиш ҳамда хавфсизликни таъминлаш борасида аниқ тадбирлар амалга оширилишини таъминлаш зарур. Республика ИИБ Йўл ҳаракати хавфсизлиги Бош бошқармаси ҳамда қатор тегишли вазирликлар билан ҳамкорликда мамлакатимиз ҳудудида жойлашган темир йўл кесишмаларида 2001-2005 йиллар давомида ҳаракат хавфсизлигини таъминлаш борасида кечиктириб бўлмайдиган тадбирий чоралар режаси ишлаб чиқилган.

Тошкент вилояти ИИБ ЙХБ раҳбарияти мазкур режа асосида тадбирлар белгилаб, ижросини назорат қилмоқда. Айни пайтда тегишли идора ва ташкилотларнинг мутаассадди вакиллари билан бирга рейдлар уюштирилиб, жамоа, ширкат уюшмалари, маҳалла ва мактабларда суҳбат, савол-жавоб кечалари уюштирилишти. Афсуски, амалга оширилаётган саёй-ҳаракатларга қарамай йўлларнинг бу қисмида ҳамон бахтсиз ҳодисалар рўй бериб турибди.

Ўтган йил октябрь ойида Зангиота тумани ҳудудидан ўтган “Тошкент – Душанбе” автомобиль йўлида жойлашган темир йўл кесишмасида А. Карим бошқарувидаги “ВАЗ-21063” русумли автомашина электровоз билан тўқнашиб кетади. Натижада ҳайдовчи ва икки йўловчи ҳаётдан бевақт кўз юмади.

“Йўл ҳаракати қоидалари”нинг оддий, лекин ҳаёт учун зарур бўлган талабларига амал қилмаслик ана шундай аянчли оқибатларга олиб келишини ақсарият хай-

довчилар баъзи ҳолларда унутиб қўйишади. Аслида улар темир йўл кесишмасига яқинлашаётганда поезд йўқлигига ишонч ҳосил қилишлари, шлагбаум ҳолати, чироқлар, йўл белгилари ва чиқиқлари, навбатчининг кўрсатмаларига қатъий риоя этишлари шарт. Агар буларнинг ҳеч бири бўлмаса-чи! Унда шлагбаумга 5 метр етмай, агар шлагбаум ҳам бўлмаса, биринчи рельсга камида 10 метр қолганда тўхташ керак.

И. САЙДИКАРИМОВ,
милиция майори.

UCHINCHI «Поетга» gazetasi

gazetasining ilovasi

TV O'LAM

TANIQLI KISHILAR BILAN UCHRASHUV,
HAJVIYA, XANDALAR, KROSSVORD,
SKANVORD, MUNAJJIMLAR BASHORATI,
HAYRATOMUZ VOQEALAR, SALOMATLIK SABOQLARI
SPORT YANGILIKLARI, INTERNET XABARLARI

Мўъжиза


Бу воқеа 1978 йилда юз берди. Гренобллик адвокат Жан-Пьер вақт алламаҳал бўлганда машинасида ишдан қайтаётган эди. У куни билан роса чарчагани учун тезроқ уйига етиб олиб, маза қилиб ваннада чўмилиш ҳақида хаёл сурарди. Шаҳарга бир соатлик йўл қолганда ёмғир бошланди. У дақиқа сайин кучаярди. Олдинда хавfli бурилиш бўлгани учун Жан-Пьер тезликни камайтирди.

Тўсатдан йўл четида оппоқ либос кийган аёл пайдо бўлди. У ҳайдовчига тўхташини сўрагандай қўл силкиди. Адвокат кескин тормоз бериб, машинасини тўхтатди. Йўловчи орқа ўриндиққа ўтирар экан Жан-Пьернинг “Қаёққа борасиз?” деган саволига паст овозда “Келаётган бурилишда тушиб қоламан”, - дея жавоб берди.

Йўлдаги

Йигирма икки ёшлардаги бу жувон мавсумга мос кийинмагани шундоқ кўзга ташланиб турарди. Унинг оқ кўйлаги енгсиз, ёқасиз эди. Бунинг устига жувоннинг ранги бўздек оппоқлигини кўриб Жан-Пьер: “Тинчликми ишқилиб?” деб сўради. Аёл жавоб ўрнига бош ликиллашиб қўя қолди. Орага ноқулай жимлик чўкди. Машина муюлишга яқинлашганда жувон қичқириб юборди. Сўнг юзини кафтлари билан ёпиб хўнграганча: “Машинани жуда эҳтиёт бўлиб, усталлик билан ҳайдар экансиз. Бу жойларда тез-тез автофалокатлар бўлиб туради”, - деди. Жан-Пьер ҳамроҳига далда бериш учун оғиз жуфтлаб орқасига ўгирилди-ю, қўрққанидан эҳсонаси чиқиб кетди - орқа ўриндиқда ҳеч ким йўқ эди!

Адвокат машинасини тўхтатиб, пастга тушди. Нарироқда бир уй кўрииб турарди. Унинг наза-



рида уй эшиги олдида оқ шарпа кўзга ташлангандай бўлди. Жан-Пьер худди биров сехрлаб қўйгандек ўша томонга юрди. Эшикни кекса аёл очди. У адвокатнинг алмайи-алжайи ҳикоясини тинглаб бўлиб, бемаҳал келган “меҳмон”ни ичкарига бошлади. Ўзи оромкурсига ўтириб, бундан уч йил аввал ўша муюлишда со-

дир бўлган фожиани сўзлаб берди. Ўшанда аёлнинг яккаю-ёлғиз қизини машина босиб кетган экан. Мана, уч йил давомида машўм бурилишда вақти-вақти билан қизнинг арвоҳи пайдо бўлиб турармиш.

Шўрлик аёл бу ҳақда биринчи марта эшитганида жазавага тушиб қолганди. Бора-бора бу ҳолга

кўниқиб ҳам қолди. Фақат ҳар гал шарпа бировнинг кўзига кўрингач, маҳаллий черковга бориб узоқ ибодат қилади, худодан қизгинасининг руҳини тинчлантиришини ўтиниб сўрайди.

Умуман, бунақа ҳодисалар дунёнинг турли бурчакларида учраб туради. Автохалокатларда ҳалок бўлган кишиларнинг арвоҳлари йўловчи машиналарда “сайр этиши” кўп қайд этилган. Файритабийи ҳодисалар бўйича мутахассислар бундай фаройиб “йўловчилар” Бельгия, Германия, Франция, Швейцария, Англия, Канада, Жанубий Африкада машиналарга чиққани ҳақида маълумотлар тўплашган.

1979 йил 12 октябрь куни англиялик ёш йигит Рой Фултон ҳам шундай ҳодисанинг гувоҳи бўлди. У дўстлари билан бильярд ўйнади. Кетидан қартовозлик бошланди. Рой уйга кетиш учун машинасига ўтирганида атраф зимистон эди. Устига-устак йўл яхши ёритилмасди. Шу-



на олдтомонни кўрсатди. Рой суҳбатлашишга қанча уринмасин, ҳамроҳи миқ этмасди. Ҳайдовчи негадир асабийлашарди. У орадаги тарангликни кўтариш учун йўловчига сигарет таклиф этаман, деб орқага бурилдию ҳайратдан ёқа ушлади. Ҳамроҳи йўқолган, гўёки бугланиб кетганди!

Рой машинасини тўхтатиб, анча пайт ўзига келолмай ўтирди. Сўнг яқин орадаги полиция идорасига бориб юз берган воқеа ҳақида гапириб

Англиянинг Кент графлигида 1974 йилда шунга ўхшаш ҳодиса юз берди. Морис Гуднаф 13 июль - шанба куни эрта тонгда машинасида Блу-Белл тепалиги устида кетаётган эди. Кутилмаганда ердан чиқдимми, осмондан тушдимми йўлида 9-10 ёшлардаги, оқ камзулча кийган қизалоқ пайдо бўлди. Морис дарҳол тормозни босди. Аммо машина йўловчини туртиб юборганини ҳис қилди. У тез пастга тушса, қизалоқ қонига беланиб, чалажон ётибди. Кўрқиб кетган Морис уни юпка кўрпага ўраб, йўл четида ётқизишга шовди. Ҳайдовчи билан воқеа жойига келган полициячилар фақатгина юпка кўрпани топишди. На қизча, на қон излари бор эди. Ҳатто хизмат ити ҳам ҳеч қандай ис олмади. Яқин атрафдаги касалхоналар текшириб кўрилганда ҳам бирор-бир қизалоқ тан жароҳати билан ётқизилмагани аниқланди.

Кейинги суриштирувлар шуни кўрсатдики, 1965 йил 19 ноябрь куни шу тепалик устида икки автомашина тўқнашиб кетган. Улардаги барча йўловчилар ҳалок бўлишган. Йўловчилар орасида 10 ёшли, эгнига оқ камзул кийган қизалоқ ҳам бор эди...

Хўш, йўлларда шарпалар нега пайдо бўлади? Балки, улар ҳақиқатан ҳам автофалокатларда нобуд бўлган одамларнинг арвоҳларидир? Эҳтимол, бу безовта руҳлар бошқаларни юз бериши кутилаётган фалокатлардан огоҳлантириш учун кезиб юришар? Ёки бунда бошқа бирор сир-синоат борми? Юқоридаги барча ҳолатларда одамлар тўсатдан оламдан ўтишган. Улар ҳатто нима бўлганини англашга ҳам улгуринмаган. Шунинг учун таналари аллақачон қора тупроққа қоришиб кетганига қарамай руҳлар ҳали-ҳануз ер устидаги фоний ҳаётни тарқатолмаётгандир? Яна ким билсин, дейсиз... (N)

ШАРПАЛАР

берди. Тартибот посбонлари унинг ҳикоясини бепарво тинглашди. Кейин бу йўлда жигаранг свитерли ҳалиги йигитга кўп ҳайдовчилар дуч келганини айтишди. Унинг кимлиги, қаердан келиб қолганлигини бирор киши билмасди. Ҳатто ҳосиятсиз жой яқинидаги қишлоқда яшовчи қариялар ҳам у ҳақда эслашолмайди. Фақат маҳаллий газета унинг 1975 йилда зиёфатдан қайтаётиб шу ерда ҳалок бўлган шотландиялик йигитдир, деган фаразни ўртага ташлади. Аммо бу тахминни асословчи бирор-бир далил келтирмади.

Йўлларда учровчи шарпалар билан боғлиқ сирли ҳодисаларни америкалик Хилари Эванс икки гуруҳга бўлади. Биринчи ҳолатда шарпалар машинани тўхтатишади, унга чиқишади. Баъзан ҳатто ҳайдовчи билан дўстона гурунглашиб, ҳазиллашиб, кулишиб кетишади. Кейин кутилмаганда кўрқинчли тарзда гойиб бўлишади. Иккинчи ҳолатда машина шарпани уриб кетади. Шунда шўрлик ҳайдовчи одамни босиб кетдим, деб даҳшат ичида қолади. Машинасидан тушганида эса жабрдийданинг жасадини ҳам, фалокат изларини ҳам тополмайди.

76 ёшли ҳинд Прахлад Жани 65 йилдан буён ҳеч нима еб-ичмай яшаётгани, шунга қарамай ўзини яхши ҳис қилишини айтди. Аҳмадободлик шифокорлар қариянинг гапига ишонилмади. Текшириб кўриш учун унга касалхонага ётишни таклиф қилишди.

65 ЙИЛ ЕБ - ИЧМАГАН ОДАМ


— Ўн кун давомида у овқат ҳам емади, бир томчи сув ҳам ичмади. Шунингдек, ҳожатга ҳам бормади, - деди касалхона раҳбари.

Тиббий тадқиқот даврида Прахлад Жаннинг палатасига видеокамера ўрнатилиб, кечаю-кундуз кузатишди. Ҳар куни қария ярим стакан сувга оғзини чайиб ташларди, холос. Шунча йилдан буён оч юрганига қарамай чолнинг соғлиги ҳавас қилса арзийдиган даражада. Шифокорлар бу сирнинг тагига етолмай ҳайрон.

Дарвеш Прахлад Жани Ҳиндистоннинг Гуджарат штатидаги маъбуда Амба-Мата ибодатхонаси қизини даги

форда яшайди. Унинг узлатга чекинганига кўп йиллар бўлди. Отахон ўзидаги қобилиятни маъбуда Амба-Мата ато этган деб билади. У ақлини таниганидан буён еб-ичиш ташвишидан ҳоли бўлиб, фақат руҳий, маънавий камолот ҳақида ўйлайди. Шогирдларининг айтишича, қария ҳеч қачон касал бўлмаган.

Оппоқ соқолли Прахлад Жани маъбуда Амба-Матанинг бошқа муҳиблари сингари қипқизил либос кияди. Отахон Аҳмадободдаги камбағаллар билан тез-тез учрашиб, кўрқув, қашшоқлик, умидсизлик мавзуларида семинарлар ўтказиб туради. Кўплаб машҳур сиёсатчилар, спортчилар, шоу-бизнес вакиллари унинг таълимотига қизиқиш билан қарашяпти.



Bolalar sahifasi

Dono bobo o'g'irlari

YAXSHI XULQ INSON ZIYNATI

Kattalar, ayniqsa, ota-onalar so'zlayotganda bolalarning diqqat bilan tinglab turishi yaxshi xulq belgisidir. Biror kishi sizga gapirayotganda, so'zini bo'lmasdan oxirigacha eshitishni odat qiling. Tinglagan har bir gapning mag'zini chaqib, keyin javob qaytarishga o'rganish, tushunmagan so'zni odob bilan qayta so'rash zarur. Bu ham inson ziynatidir.



HIKOYAT

IZZA BO'LDI

Bir o'smir madrasaga shoshib ketayotgan edi qarshisidan qo'lida xalta ko'tarib kelayotgan mo'ysafid chiqib qoladi. O'smir salom berib o'tib ketmoqchi bo'ladi-yu, qariyaning qiyalib kelayotganini ko'rib, unga yordam berish ko'nglidan o'tadi. Keksa kishining yukini uyigacha olib borib berib, keyin madrasaga keldi. Mashg'ulot allaqachon boshlangani tufayli tolib

mudarrisga kechikish sababini aytadi.
 - Qariyaga yordam berib juda yaxshi qilibsan, barakalla, keksalarni hurmatlash kerak, - deya mudarris uni maqtadi.
 Ertasiga o'yinqaroq toliblardan boshqa biri kechikib keldi va do'stining gapiga o'xshash bahona qildi.
 - Bir kampir qop ko'tarib kelayotgan ekan, unga yordamlashib uyigacha olib borib berdim, - deydi u.

Ustoz bolaning ko'ziga qarab aldayotganini sezadi va:

- Qopdagi yuk og'irmidi? - deb so'radi.
 - Ha, bir yarim-ikki pud kelardi, - dedi talaba.
 - Yashavor, polvon. Narigi xonada ikki pudli tosh bor, shuni bu yerga olib chiq, - dedi mudarris.
 Bola harchand urinmasin qo'shni xonada turgan toshni ko'tara olmadi. Uning ahvolini ko'rgan o'rtoqlari rosa kulishdi. Ustozni, qolaversa, o'zini o'zi aldaganidan izza bo'lgan bola, o'yinqaroqlik qilmay, darsga o'z vaqtida kelishni odat qildi.

XANDALAR

Kichkina Nargiza somsa yopayotgan onasiga.

- Oyijon, meni aldadingiz-a, - dedi.
 - Nega unday deysan, qizim, - hayron bo'lib so'radi onasi.
 - Ko'k somsa yopib beraman degandingiz, ular qizil-ku...

Matematika darsida muallim Olimjondan so'radi:

- Ko'lda o'nta o'rdak suzib yuribdi, ovchi ikkitasini otdi, nechta o'rdak qoladi?
 - Birorta ham qolmaydi.
 - Nega?
 - O'q ovozidan qo'rqib qolganlari uchib ketadi-da.

MATEMATIK JUMBOQ

Bir kekxa kishining uch o'g'li bor edi. Ularni yig'ib:

- Bolalarim, mening vaqti qazoim yetib qoldi. Sizlarga qoladigan meros 17 ta ot. Shuning ikkidan bir qismi to'ng'ich o'g'lim senga, uchdan bir qismi sendan keyingi ukangga, kenjatoyimga esa to'qqizdan bir qismi. Men aytganday bo'lib olinglar, - debdi.

O'g'illar harchand urinishmasin otlarni ota aytganday taqsimlab ololmadilar. Boshlari qotib turganda qishloq oqsoqoli ot minib kelib qoldi. Ular ota vasiyati bo'yicha ish tutib boshlari qotib qolganini aytishadi. Oqsoqol otdan tushib, o'yga toldi va o'g'illarga otlarni vasiyatda aytilganday bo'lib berdi. Toping-chi, qanday qilib?

YODDA TUTING

O'zboshimchalik qilib, nosoz, buzuq elektr asboblarni sozlash yoki sinab ko'rish mumkin emas.

Har doim piyodalar uchun ajratilgan yo'lkalardan yurish lozim.

Osiyo-dagi daryo					O'zbek xalq ertagi	Erkin ozod
Yaqin qarindosh		Viloyat markazi		O'zbek xalq dostoni		Eng uzun daryo
				So'z turkumi		
				Janjal		
	O'zbek, tojik xalqlari yozuvchisi	Taraf				Mo'tabar zot
			O'rta	Meva		
Sersoya daraxti	Sutka qismi	Taxminiy o'lchov	Ota (Shevada)			Toshkentning qadimiy nomi
		Tezda		Bog'lovchi		
	Suvli tuproq					
		Novrining botalasi				Qovun turi

O'TGAN SONDA BERILGAN TOPISHMOQNING JAVOBI

Cho'pon avval echkini olib o'tadi, orqaga qaytib pichanni olib o'tadi. Echkini orqaga qaytarib, bo'rini olib o'tadi. Va nihoyat echkini yana narigi qirg'oqqa olib o'tadi. Shu tariqa pichan va echkini zarar yetkazdirmay uyiga olib ketadi.

O'TGAN SONDA BERILGAN BOSHQOTIRMA JAVOBI To'g'ri o'sgan bo'lar gul, Egri o'sgan bo'lar kul.

ТАБРИКЛАЙМИЗ!

Республика ИИБ ЖИЭББ Тошкент тарбия колонияси бошлиғи, ички хизмат капитани **Ақром Қўлдошев**ни 40 ёшга тўлгани билан самимий табриклаймиз. Унга узоқ ва мазмунли умр, сиҳат-саломатлик, оилавий бахт, раҳбарлик фаолиятида катта ютуқлар тилаймиз.

Бош бошқарма раҳбарияти ва шахсий таркиби.

Фарғона вилояти ИИБ ҳузуридаги қўриқлаш бошқармаси ходими, милиция сержанти **Хайрулло Абдуллаев**ни туғилган куни билан самимий қутлаймиз. Жигарбандимизнинг узоқ умр кўриб, бахтли ҳаёт кечириши ва жамиятнинг илғор кишилари қаторидан ўрин олишини Яратгандан сўраймиз.

Ҳурмат ила оила аъзолари

Юнусобод тумани ИИБ ХЧК ва ФБ ходими, меҳрибон онажонимиз **Зухраҳон Пирматов**ани туғилган кунлари билан муборакбод этамиз. Азиз ва мўътабар волидаи муҳтарамамизнинг кўп йиллар саломат, бардам бўлиб, давраимизни тўлдириб, фарзандлари ва невараларининг бахту камолини кўриб юришларини Аллоҳдан сўраб қоламиз.

Оила аъзолари номидан ўғли Рустамжон.

МУҶАЖЖИМЛАР БАШОРАТИ

Келгуси ҳафта учун

Кўй. Душанба куни руҳиятингизга таъсир кўрсатувчи кўнгилсизлик қутилмоқда. Чоршанба куни яқин кишингиз билан низолашиб қолишингиз мумкин. Пайшанба куни кўзланган мақсадга эришиш учун жиддий саъй-ҳаракатлар қилишингизга тўғри келади. Дам олиш кунлари дўстлар даврасида ҳордиқ чиқаришни маслаҳат берамиз.

Тарози. Душанба куни оиладаги муҳит сизнинг кайфиятингизга боғлиқ. Чоршанба куни катта сарф-ҳаражатлар қиласиз. Фарзандларингиз ёки катта ёшдаги кишилар билан боғлиқ муаммолар юзага келади. Ҳафтанинг иккинчи ярмида атрофда рўй бераётган воқеаларга муносабат билдиришда танишларингизни қўйил қолдирасиз. Дам олиш кунлари эҳтиросларга берилишингиз, ўзингизда бироз чарқоч ҳис қилишингиз мумкин.

Сигир. Ҳафтанинг бошида касб маҳоратингизни намойиш этиш имконияти бор. Анчадан бери орзу қилиб юрган битимни имзолашингиз эҳтимолдан ҳоли эмас. Умуман, молиявий масалаларда муваффақиятга эришасиз. Пайшанба куни ишлар кўпайиб кетади. Жума куни оила аъзоларингиз билан келишмовчилик келиб чиқиши мумкин. Яқшанба куни шерингизга ҳаддан ташқари ишонч билдиришингиз молиявий йўқотишга олиб келишини унутманг.

Чаён. Оила аъзоларингиз билан муносабатлар кескинлашади. Сешанба - саёҳатларга бориш, ҳужжатларни расмийлаштириш учун қулай кундир. Молиявий масалаларда барқарорлик сезилмайди. Чоршанба куни амалий ва ижодий имкониятларингиз ошганини ҳис этасиз. Белгиланган қурилиш ишларини бошлаб юбориб, оммавий тадбирларда иштирок этганингиз маъқул. Шанба куни юзага келган муаммоларни ҳал этишга муваффақ бўласиз. Яқшанба куни сизни танишларингиз қўллаб-қувватлашади.

Эгизаклар. Дастлабки кунлар вазиятни ўзгартириб юборадиган воқеалар рўй беради. Жисмоний машқлар бажариш, бирор янги ишни бошлаш, таъмирлаш ишларини олиб бориш учун қулай даврдир. Пайшанба куни ижодий ишлар, атрофингиздаги одамлар билан муносабатларда ютуқлар қутилмоқда. Шунга қарамай муайян хатоларга йўл қўйганингизни жума куни англаб етасиз. Шанба куни керакли маълумотни қўлга киритиш имконияти бор. Яқшанба куни узоқ вақт ёдда қоладиган мулоқотлар бўлиб ўтади.

Ёй. Сешанба куни истиқбол режаларини белгилаб олганингиз маъқул. Чоршанба куни яқин кишиларингиз билан муносабатлар бузилиб, кўнгилсизликлар келиб чиқиши эҳтимолдан ҳоли эмас. Ҳафтанинг иккинчи ярмида алданиб қолишдан эҳтиёт бўлинг. Севган кишингиз билан учрашув қутилмоқда. Молиявий қийинчиликлар ёки кўзда тутилмаган сарф-ҳаражатлар тўғрисида бироз қийналиб қоласиз.

Қисқичбақа. Шахсий ҳаётингиздаги ўзгаришлар шериклар билан алоқалар узилиб қолишига олиб келади. Дастлабки кунлар янги ишларга киришмаганингиз маъқул. Ҳафтанинг иккинчи ярмида оилангизда низолар келиб чиқиши мумкин. Ҳақлигингизни исботлаш учун талашиб-тортишишингиз, баҳслашишингизга тўғри келади. Шериклар ва ҳамкасбларингиз билан муносабатлар яхшиланади. Аммо барча ишлар ҳам сиз ўйлаган даражада кечмаслиги мумкин.

Тоғ эчкиси. Ҳафтанинг бошида янги даромад манбаларини излаб топишингизга тўғри келади. Узилиб қолган дўстона алоқаларни тиклаш учун қулай даврдир. Болалар билан тил топишига муваффақ бўласиз. Пайшанба куни юзага келган муаммолар бартараф этилади. Аммо бундан ўзингизга тегишли хулоса чиқариб оласиз. Яқшанба куни моддий аҳволингизни яхшилаб олиш имконияти бор.

Арслон. Ҳафтанинг биринчи ярмида ишбилармонлик қобилиятингизни намойиш этасиз. Келгуси ишлар учун мустаҳкам пойдевор яратишингиз мумкин. Бошқа жойга кўчиб ўтиш ёки уйни таъмирлаш учун қулай даврдир. Шанба куни жиддий муаммолар юз беришига олдиндан шай туринг. Яқшанба куни ижодий фаолликка эришасиз. Оилангизда тотувлик ҳукм суради.

Қовға. Душанба унча мураккаб бўлмаган вазифаларни бажариш учун қулай кундир. Сешанба куни битимлар имзолаш, молиявий масалалар ва саломатлигингиз билан боғлиқ жиддий муаммолар юзага келади. Ишбилармонлик катта наф беришини унутманг. Пайшанба куни учрашув, йиғилиш ёки анжуманларда иштирок этасиз. Мустақил режалар ишлаб чиқишингиз ютуқлар гарови эканлиги шанба куни ўз тасдиғини топади.

Бошоқ. Душанба куни саломатлигингиз панд бериши эҳтимолдан ҳоли эмас. Сешанба куни яқинларингиз билан келишмовчилик келиб чиқади. Чоршанба куни танангизга куч-қувват қўшилганини ҳис этасиз. Ҳафта давомида тўғри йўл тутишингиз муваффақият келтиради. Жума куни ҳаётингизда муҳим ўзгариш рўй бериши қутилмоқда. Шанба - харидлар учун омадли кундир. Яқшанба куни яна бир ишончли дўст ортираёсиз.

Балиқ. Душанба куни қарама-қаршиликлар қутилмоқда. Бунинг натижасида кайфиятингиз кескин тушиб кетиши мумкин. Ўзингизни қўлга олинг. Чоршанба куни барча ишларда омад қулиб боқади. Саъй-ҳаракатлар тўғрисида ҳар қандай вазиятдан чиқиб олишга муваффақ бўласиз. Пайшанба амалий сафарлар, учрашувлар ва бюджетга маблағ тушириш учун қулай кундир. Шанба куни хушхабар эшитасиз.

ШАНБА

27

Ўзбекистон телеканаллари

6.00 "Ассалом, Ўзбекистон"
8.00-8.35 "Ахборот"
8.35 ТВ-анонс.
9.00 Газеталар шарҳи.
9.00 1. "Ёш юлдузлар". 2. "Уйла, Изла, Топ!". Телемусобақа.

Ёшлар телеканаллари

6.55 Курсатувлар дастури
7.00 Давр
7.25 ТВ-анонс
7.30 "Мунаввар тонг". Информацион дам олиш дастури

Тошкент телеканаллари

17.10 Курсатувлар тартиби
17.20 Болажонлар экрани.
17.45 "Табриклаймиз-кутлаймиз".
17.55 "Мультчархпалак".

Sport телеканаллари

8.00 "Бардам бўлинг". Тонги дам олиш дастури.
9.00 Мини футбол. Ўзбекистон кубоги.

21.35 "Овчи ҳақида ҳикоя".
22.55 "ФИФА". БИРИНЧИ КАНАЛ
22.55 "Олтин Граммфон"

30-канал

9.00 Дастурнинг очилиши
9.05, 17.40, 20.45 "Телехамкор"
9.30, Детский час
10.00 "Крошечные герои", мультфильм

ОРТ

6.00, 10.00 Новости
6.10 Серил "Все путешествия команды Кусто".
6.40 Фильм "Хищники"

18.10 "Шутка за шуткой".
19.00 "Магия. Разоблачение"
20.00 "Кто хочет стать миллионером?"

РТР

4:00 Фильм "Ко мне, Мухтар!".
5:25 Мультсериал. 5:45 "Золотой ключ".
6:05 "Русское лото".
6:45 "Большая перемена".

НТВ

5:55 Фильм "ЧЕЛОВЕК С ЗОЛОТЫМ ПИСТОЛОМ"
8:00, 12.00, 16.00 "СЕГОДНЯ"
8:25 "УЛИЦА СЕЗАМ"
8:45 "ТА-РА-РАМ!".

11:00 "КВАРТИРНЫЙ ВОПРОС"
12:20 "ДИКИЙ МИР: ПЕЩЕРНЫЕ БЕСЫ"
13:10 ВКУСНЫЕ ИСТОРИИ
13:20 Детектив "УЗКАЯ ГРАНЬ"

ТВ 3

8.30 Гламурные ведомости.
9.00, 9.30, 10.00, 10.30, 11.00 Мультсериалы.
11.30 Фильм "Прокрасную шапочку, продолжение старой сказки". 1-я серия.

ДТВ

10.00 Толобайки.
10.28, 11.58, 14.13, 18.18, 5.14 Придай жизни вкус.

11.30 Серил "ЧЕРНАЯ БЕЗДНА".
12.00 Квартет.
12.35 Док. фильм "Неизвестная планета".
13.10 Серил "CSI: МЕСТО ПРЕСТУПЛЕНИЯ".

ТНТ

7.00 "Неизвестная планета".
7.40 "НОВАЯ ЖЕРТВА".
8.35 "Маски-шоу". Комедия.
9.05, 14.25 "Фигли-Мигли".

СТС

8.00 "НОВЫЕ ПРИКЛЮЧЕНИЯ ЛЕССИ". Серил.
8.20, 10.30, 11.00, 12.00, 12.30 Мультфильмы.
8.50 "ДРУЖОК ВЕСЕЛОГО БЕСЕНКА". Фильм.

7 ТВ

8.00 "ШВЕЙЦАРСКИЕ РОБИНЗОНЫ". Серил.
8.30, 18.00 НБА. "Лос-Анджелес Лейкерс" - "Миннесота Тимбервулвз".
11.30 NBA jam.

ЯКШАНБА

28

Ўзбекистон телеканаллари

6.00 "Ассалом, Ўзбекистон".
8.00-8.35 "Ахборот".
8.35 "Камалак". Болалар учун кинодастур.

Информацион дам олиш дастури
8.30 Мехмонхона
8.50 "Беодоб". Мультфильм
9.00 "Давр" - репортаж

Тошкент телеканаллари

17.10 Курсатувлар тартиби
17.20 Болажонлар экрани.
17.45 "Табриклаймиз-кутлаймиз".
17.55 "Эртактларнинг сеҳрли олами".

Sport телеканаллари

8.00 "Бардам бўлинг". Тонги дам олиш дастури.
9.00 "Мультфильм". БИРИНЧИ КАНАЛ

22.10 Т.Полонская билан бирга
22.35 Жаҳон спорти: Еврофутбол. БИРИНЧИ КАНАЛ

30-канал

9.00 Дастурнинг очилиши
9.05, 11.30, 17.40, 20.45 "Телехамкор"
9.30 Детский час
10.00 "Летающая мельница", мультфильм

ОРТ

6.00, 10.00 Новости
6.10 Серил "Все путешествия команды Кусто".
6.40 Комедия "Трудный ребенок"

ренный вызов
16.20 Воскресный "Ералаш"
16.50 "Тайная жизнь выдр"
17.50 Времена
18.45 "КВН-2004"

РТР

4:00 Фильм-сказка.
5:25 Мультсериал.
5:45 "Мир на грани".
6:10 "Военная программа" Александра Сладкова.

ТВ 3

8.30 "Жизнь в слове".
9.00, 9.30, 10.00, 10.30, 11.00 Мультсериалы.
11.30 "Про красную шапочку".

8:15 "ПРОСТО ЦИРК".
8:50 Лотерея "ШАР УДАЧИ".
9:00 "ЕДИМ ДОМА".
9:35 Комедия "БУМ-2" /Франция/

ТНТ

7.00 "Неизвестная планета".
7.40 "НОВАЯ ЖЕРТВА".
8.35 "Маски-шоу". Комедия.
9.05, 14.25 "Фигли-Мигли".

ДТВ

9.30 60 минут.
10.26, 11.58, 14.13, 18.18, 4.28 Придай жизни вкус.

13.10 Серил "CSI: МЕСТО ПРЕСТУПЛЕНИЯ".
14.15 Фильм "СИЛЬНЕЙШИЙ УДАР 2".
16.40 Всегда готовь.
17.15 Серил "V.I.P."

7 ТВ

8.00, 11.30 "ШВЕЙЦАРСКИЕ РОБИНЗОНЫ". Серил.
8.30 Волейбол.
10.30 "Физкульт". Программа для детей.

8.20 Мультфильм.
9.00 "МАКСИМКА". Фильм.
10.30, 11.00, 12.00, 12.30 Мультфильмы.
11.30 "Полундра!" Телеигра.

7 ТВ

8.00, 11.30 "ШВЕЙЦАРСКИЕ РОБИНЗОНЫ". Серил.
8.30 Волейбол.
10.30 "Физкульт". Программа для детей.

Ёшлар телеканаллари

6.55 Курсатувлар дастури
7.00 Давр
7.25 ТВ-анонс
7.30 "Мунаввар тонг".

Тошкент телеканаллари

10.00 "Хабарлар".
10.15 "Кувнок старлар".
10.45 "Рақибингиз гроссмейстер".

ОРТ

6.00, 10.00 Новости
6.10 Серил "Все путешествия команды Кусто".
6.40 Комедия "Трудный ребенок"

НТВ

6:20 "ГОЛУБОЕ ДЕРЕВО"
7:45 Мультфильм
8:00, 12.00, 16.00 "СЕ-

СТС

8.00 "НОВЫЕ ПРИКЛЮЧЕНИЯ ЛЕССИ". Серил.

									Умар Хайём асари							
	Эрта куклам	Бола-лар учкичи	Тарих							Чопқир от		Афсонавий от		Егулик		
	Шифо гиёҳи	Чехрани узгартириш	Ҳақдоният						Шудгор текислагич					Муҳим		
							Араб ҳарфи		Пардоз			Паранда				
	Жаннат			Миллий спорт	Ахлоқ	Дўст						Дарахзор		Сут маҳсули	Завқ	
	Само жисми		Пойтахт					Терак гули	Муҳит		Нақш тури					
		...тоб									Фармон				Роҳат	
			Цирк мосла-маси	Улкан							Чидам					
	Сув йули										Кўҳна давлат					
				Доривор									Неъмат	Жонивор		
				Ойдин								Илк ҳосил				
	Кўрк		Чин	Само							Таъм	...узум	...пай-мой			
	Гул															
				Дон								Мато	Нашр тури	Соз	Ҳур-матли	
		Зиравор	Фар...													Дарахт
		Замин														
				Шикор						Водий шаҳри		...ла		Имкон	Тош-конт-даги канал	
				Анжу-ман						Кун						
	Шод													Яхши		
		Бегу-борлик, гашт		Узум тули	Орау											
	Сумалак анжоми	Ҳомий	Баргли таом	Омади суҳбат										Палов қисми	Овоз	
					Пирорд											Гибҳ аъзои
	Ором-гоҳ	Сўлим жой							Илим соҳиб	Ман-гулик	Дон туйди	Кун-чиқор	Ман-гулик	Гулниги аввали		
					Жусса							Навруз элчиси				
	Меҳр	Фасл	Мас													
	Чирой		Маъқул						Мусоф-фе				Ҳўл лева	От спорт		
									Миллий либос	Дунё			Кўркам	Ҳамма-нинг белгиси		
					Қўл қисми	Қовоқ қисми							Чин...			

Ф. ОРИПОВ тузди.

ЎТган сонда берилган сканворднинг жавоблари

БЎЙИГА: Қоровул. Ганчкорлик. Файз. Дока. Ядро. Арфа. Вена. Дорранда. Ит. Ангор. Увол. Карра. Енот. Омон. Толмас. Ўн. Чора. Нон. Обаки. Лилий. Ин. Торпеда. Лорд. Каптар. Ато. Дина. Гилос. Пари. Иқтисод. Ёз. Одам. От. Ипак. Эшак. Лазер. Домна. Йод. Лат. Опера. Баён. Макинтош. Дилхирож. Шин. Сабо. Ли. Водород. Табиатунослик. Майн. Га.
 ЭНИГА: Андиз. Кўприк. Орден. Геолог. Ободончилик. Ора. Динамо. Умар. Форинг. Урф. Сато. Ундалма. Аравон. Наби. Монако. Пудрат. Тол. Олд. Микрон. Или. Бир. Саноат. Оптика. Тож. Ми. Оқшом. Олкиш. Руткевич. Кремний. Прима. Ар. Ўрин. Краков. Ордината. Гоби. Дил. Адана. Пай. Ост. Иж. Овоза. Ер. Декан. Зунунова. Адл.

СПОРТ+ФУТБОЛ

ЎТ ЎЧИРУВЧИЛАР БЕЛЛАШУВИ

13 март куни Жиззах вилояти Ёнгин хавфсизлиги бошқармасида ёнгин ўчириш амалий спорт мусобақалари бўлиб ўтди. Ушбу мусобақаларда вилоят бўйича 15 жамоа иштирок этди.


Мусобақани вилоят ИИБ Ёнгин хавфсизлиги бошқармаси бошлиғи ўринбосари, ички хизмат майори

Т. Комилов очди ва иштирокчиларга омад тилади. 100 метрга тўсиқлар оша югуриш, иш-

фол қилиш нарвонида ўқув минорасининг 3-қаватига кўтарилиш, уч тирсақли сурилма нарвонда ўқув минорасининг 3-қаватига кўтарилиш, ёнгин ўчириш эстафета турлари бўйича ўтказилган мусобақаларнинг барчасида Жиззах шаҳар ҳарбийлаштирилган ёнгин хавфсизлиги қисми жамоаси голибликни ҳеч кимга бермади. Умумжамоа ҳисобида ҳам улар биринчи бўлдилар. 2-ўрин Жиззах шаҳар 16-ёнгин ўчириш жамоасига насиб этган бўлса, Жиззах тумани 12-ёнгин хавфсизлиги қисми 3-погонани эгаллади.

Вилоят ИИБ Ёнгин хавфсизлиги бошқармаси бошлиғи, ички хизмат полковниги А. Умаров голибларга қимматбаҳо совринлар ва пул мукофотлари топширди.

Алишер МУХТОРОВ,
ички хизмат лейтенанти.



КЕЛАЖАГИМИЗ ЮЛДУЗЛАРИ

Ҳукуматимизнинг оммавий спорт тарғиботини кучайтириш, болалар спортни ривожлантириш тўғрисидаги фармонларини ҳаётга кенг татбиқ қилиш борасида жойларда турли спорт мусобақалари ташкиллаштириб келинмоқда. Ушбу мусобақаларда ёш, умидли спортчиларнинг кашф этилаётганлиги айниқса, қувонарлидир.

Ана шундай иқтидорли спортчилардан бири – Тошкент Давлат Шарқшунослик институтининг 2-курс талабаси Жаҳонгир Курбон жорий йилнинг дастлабки ойларида республика шахматшашка клубида ўтказилган шахмат бўйича Тошкент шаҳар бирин-



чилиги мусобақаларида фахрли 2-ўринни қўлга киритди.

– Республикада болалар, ўсмирлар ва ёшлар спортга катта эътибор берилаётганидан жуда хурсандмиз, – дейди Ж. Курбон. – “Умид ниҳоллари”, “Баркамол авлод учун”, “Универсиада” деб номланувчи уч босқичдан иборат мусобақаларнинг ҳар йили мунтазам ўтказилиб борилаётгани бунинг ёрқин далилидир. Менинг шахмат оламига кириб келишимда кўмак берган илк устозим Акром ака Тошхўжаевга, ҳозирда менга бу олам сирларини ўргатиб ке-

лаётган Фахриддин Сатторовга ва албатта, азиз отажоним Аббос Курбонга ўз миннатдорчилигимни билдираман. Отам республика Ички ишлар вазирлигида ишлайдилар. Шахмат билан доимий шуғулланишимда у кишининг хизматлари жуда катта.

Дарҳақиқат, мамлакатимизда иқтидорли ёшлар жуда кўп. Уларни жаҳон спорт ареналарига олиб чиқишда ҳукуматимиз томонидан қабул қилинаётган юқоридаги каби қарорларнинг аҳамияти катта бўлмоқда.

Суратда: иқтидорли шахматчи Ж. Курбон.

МУХЛИСЛАРГА АТАЛГАН ЎЙИНЛАР

Орзиқиб кутилган XIII миллий чемпионатимизда ҳаш-паш дегунча уч тур ўтказиб бўлинди. Жамоалар ва улар кўрсатаётган ўйин ҳақида маълум бир тасаввур уйғотадиган фикрлар ҳам спорт нашрларида тез-тез бериб борилмоқда. Асосан ўтказилган учрашувлардаги натижалар ҳақида турли мулоҳазалар билдирилмоқда.

Жамоаларнинг бир ўйинда йирик ҳисобда ютиб, иккинчисида шундай ҳисобда мағлуб бўлишни мутахассислар “яшилик аломати эмас” дейишмоқда. Аслида ҳам шундайми?

“Пахтакор”нинг ҳар бир учрашувдаги катта ютуқлари унинг “эски одати” деб таърифланяпти. Аслида терма жамоа базаси сифатида шаклланган жамоадан бундан камини кутиб ҳам бўлмайди. “Нефтчи”га келадиган бўлсак, унга Осиё Чемпионлар лигасидаги икки мағлубият кучли таъсир қилди ва энди нима қилиб бўлмасин, ички чемпионатда нималарга қодирлиги исботлашлари, ўз мухлислари ишончини қайтаришлари лозим эди.

“Нефтчи”нинг дастлабки икки турда йирик, сафарда 2:0 ҳисобидаги ғалабалари фақат мух-

лислар учун бўлди десак, ҳеч янглишмаган бўламиз.

“Насаф” эса илк учрашувда ҳамюртларини қийинчилик билан енганларини тан олган ҳолда 2-турда албатта ғалаба қозонишларини ўз мухлислари олдида ваъда беришган эди. Аммо чемпионат дебютанти “Локомотив” қаршиликларга яшигина “сабоқ” берди. Бу воҳа футболчиларига қаттиқ таъсир қилган шекилли, ўз майдонларида “Металлург”ни 7:0 (!) ҳисобида мағлуб этдилар. Бу ҳам мухлислар учун аталди, улардан ўзига хос тарзда “кечирим” сўрашдек тасаввур уйғотди.

Наманганлик мухлислар ўтган йиллари бўлганидек, бу йил ҳам илк турларданок “Навбахор”дан кўп нарсани кутяптилар. Сафардаги икки муваффақият 3-турда Наманганда чинакам футбол байра-

мига сабаб бўлди. Тўлибтошган стадионда меҳмон жамоа – “Сурхон” 6:0 ҳисобида мағлуб этилди.

Қисқаси, чемпионатнинг дастлабки ўйинларида кўрсатилган натижалардан хавотирга тушиш ноўрин. Бу фақат жамоаларнинг мухлислар олдида ўзларини кўрсатиш учун қилаётган саъй-ҳаракатлари, холос. Бир учрашувда ўз дарвозасидан 4-5 тўп олиб чиқаётган жамоалар-чи, деган саволга ҳам жавоб бор: ахир тоғдан тушаётган кичик жилға ҳам ўз оқимини топгунча қанчадан-қанча тошларга урилади...

2-тур. 9-10 март

“Локомотив”–“Насаф” - 2:0
“Андижон”–“Навбахор” - 0:1
“Нефтчи”–“Қизилқум” - 4:0
“Пахтакор”–“Самарқанд-Д” - 4:0
“Машъал”–“Сўғдиёна” - 0:1
“Металлург”–“Бухоро” - 3:0
“Сурхон”–“Трактор” - 6:2

3-тур. 15 март

“Насаф”–“Металлург” - 7:0
“Навбахор”–“Сурхон” - 6:0
“Қизилқум”–“Локомотив” - 0:0
“Самарқанд-Д”–“Андижон” - 3:0
“Сўғдиёна”–“Нефтчи” - 0:2
“Бухоро”–“Пахтакор” - 0:3
“Трактор”–“Машъал” - 1:0

УЧИНЧИ ТУРДАН КЕЙИНГИ ВАЗИЯТ

	Ў	Ю	Д	М	Т-Н	О
1. “Пахтакор”	3	3	0	0	12-0	9
2. “Нефтчи”	3	3	0	0	10-0	9
3. “Навбахор”	3	3	0	0	10-0	9
4. “Локомотив”	3	2	1	0	6-0	7
5. “Насаф”	3	2	0	1	9-3	6
6. “Сўғдиёна”	3	1	1	1	2-3	4
7. “Қизилқум”	3	1	1	1	2-5	4
8. “Сурхон”	3	1	0	2	7-10	3
9. “Самарқанд-Д”	3	1	0	2	3-8	3
10. “Металлург”	3	1	0	2	3-10	3
11. “Трактор”	3	1	0	2	3-11	3
12. “Андижон”	3	0	1	2	1-5	1
13. “Машъал”	3	0	0	3	1-4	0
14. “Бухоро”	3	0	0	3	0-10	0

4-тур учрашувлари

20 март

“Андижон”–“Насаф” “Нефтчи”–“Навбахор”
“Пахтакор”–“Қизилқум” “Машъал”–“Самарқанд-Д”
“Металлург”–“Сўғдиёна” “Сурхон”–“Бухоро”

22 март

“Локомотив”–“Трактор”



Изоҳнинг ҳожати йўқ.

Саҳифа материалларини Эркин САТТОРОВ тайёрлади.

ДУНЁ ҲАФТА ИЧИДА



ПУТИН ҒОЛИБ ЧИҚДИ

Владимир Путин Россия президентлиги сайловда 70 фоиздан ортиқ овоз тўплаб, ғолиб чиқди. У ўз сайлов штабида журналистлар билан учрашиб, яқин орада иқтисодий, ижтимоий соҳаларда амалга ошириладиган ишлар ҳақида гапирди. Жумладан, табиий монополияларни реструктуризация қилиш давом этишини айтди. Тахминан ўн кун ичида Президент маъмуриятида ҳам ўзгаришлар бўлишини хабар қилди. Шунингдек, у мамлакат фуқароларига қилган мурожаатномасида сайловда қатнашган барча

кишиларга миннатдорчилик билдирди.

Россия Федерацияси Марказий сайлов комиссияси вакилининг айтишича, дастлабки натижаларга кўра президентлик сайловида Николай Харитонов 13 фоиз, Сергей Глазьев 4,1 фоиз, Ирина Хакамада 3,9 фоиз, Олег Малишкін 2,0 фоиз, Сергей Миронов эса 0,8 фоиз овоз олган.

ҚАРОҚЧИННИНГ ХАЛОСКОРИ ПОЛИЦИЯ...

Кишинёв шаҳрида гаройиб воқеа юз берди. Тунда кизлар дискотекадан қайтишаётган эди. Қоронғи кўчалардан бирида уларга йўлтўсар йигитлар ҳужум қилишди ва бундан ўзлари афсус чекишди. Сабаби, киз тушмагурлар қўл жангининг роса ҳадисини олишган экан. Қочган қочиб қолди. Кизлар қўлига тушган бир безорини эса етиб келган полициячилар қутқаришди.

ЧАҚИРИЛМАГАН «МЕҲМОН»

Москванинг Вернадский шоҳкўчасидаги метро бекати ёнида милиция патрули шубҳали туюлган қизни тўхтатди. Текшириб кўрилганида унинг сумкасида иккита юз граммлик пластит чиқди. Ишга дарҳол ИИБ ва Федерал хавфсизлик хизмати ходимлари аралашди. Портлаш техникаси бўйича экспертлар хавфли юкни диққат билан кўздан кечириб, уларни портлатиш учун детонатор етишмаслигини аниқлашди.

Хўш, қизнинг асл мақсади нима эди? Метро шундоқ ёнгинасида эди. Балки портловчи моддани шеригига етказиш унга юклангандир? Ёки у курул-яроғ савдоси билан шуғулланувчилар тўдасига мансубми?

Тахминлардан бирига кўра қиз шу яқин атрофдаги «Комета» меҳмонхонасида кўпуровчилик содир этишни режалаштирган бўлиши мумкин. Бу меҳмонхона ИИБга қарашли. Балки террорчилар яқинда Чеченистонда йўқ қилинган дала командирлари Хамзат Тазабаев ва Руслан Гелаев учун ўч олмоқчи бўлишгандир?

Нима бўлганда ҳам пластит кўтарган қиз ёлғиз бўлмаган. Детонаторли шериги уни ўша атрофда қутган.

НИКОҲ ЖАМҒАРМАСИ КўМАГИДА

Бирлашган Араб Амирликларининг Абу-Даби шаҳрида бир йўла 300 жуфт ёш келин-куёвнинг никоҳ тўйи бўлиб ўтди. Тантана маҳаллий никоҳ жамғармаси томонидан уюштирилди. Мазкур ташкилот, мана, ўн йилдирки, мамлакат ёшларини ўзаро оила қуришга даъват қилиб келмоқда. Тўй маросимида 20 нафардан ортиқ фарзандни вояга етказётган оилалар ҳам бошқаларга ибрат қилиб кўрсатилди.

Никоҳ жамғармаси маҳаллий куёвларга никоҳдан ўтиш, тўй тантаналарига ёрдам беради. Ушбу харажатлар кўпинча 100 минг АҚШ долларига боради. Шунинг учун аксарият йигитлар бўйдоқликни афзал кўришади ёки хорижлик кизларга уйланишади.

Сўнги пайтларда ҳокимият вакиллари ва жамиятни бир нарса ташвишга солмоқда. Шундоқ ҳам туб жойликлар мамлакат аҳолисининг атиги 20 фоизини ташкил этар эди. Амирликларга келаётган хорижий ишчилар соңи ортган сайин бу кўрсаткич янада пасаймоқда.



Афғонистонда Наврўз!

ЭРОНДА НАВРЎЗ ҚАНДАЙ НИШОНЛАНАДИ?

Эронда Наврўз умумхалқ байрами ҳисобланади. Бу кун Куръон тиловати билан бошланади. Сўнг оиланинг ёши кичик аъзолари катталарни байрам билан қутлаб, уларга Янги йил бахт-саодат келтиришини тилашади. Аёллар йигилганларни ширинликлар билан сийлашади. Хонадон соҳиби эса оиланинг ҳар бир аъзосига байрам совғаси ёки пул ҳада этади. Шундан сўнг тантаналар бошланади.

ХАЛҚАРО ҚИДИРУВ

Грузия Бош прокуратураси Аджария ҳукуматининг бир қатор юқори мартабали вакилларига нисбатан жиноий иш кўзгади. Бу ҳақда Грузия Бош прокурори Ираклий Окруашвили хабар қилди. Улар тинч намоийшчиларни тарқатиш, мамлакатнинг ҳудудий яхлитлигини бузиш, Грузиянинг қонуний раҳбариятига бўйсунмаслик, автономияда ҳарбий раҳбарликни қўлга олиш ва бошқа жиноятлар содир этишда айбланишпти.

Аджария хавфсизлик вазири С. Гогитидзе, унинг ўринбосари Г. Купреишвили, Ички ишлар вазири Д. Гогитидзе, унинг ўринбосари Д. Бакуридзегга нисбатан халқаро қидирув эълон қилинган.



ТУНГИ ҒОЖИА

Россиянинг Архангельск шаҳридаги 9 қаватли уйлardan бирида кучли портлаш рўй берди. 45 та хонадон жойлашган чеккадаги йўлак бутунлай вайрон бўлди.

Сўнги маълумотларга қараганда ҳалок бўлганлар сони 50 кишига етди. Улар орасида 8 нафар бола ҳам бор. 24 киши вайроналар орасидан қутқариб олинди. Уларнинг еттигиси оғир аҳволда. Тахминларга кўра, яна ўнлаб одамлар вайроналар остида бўлиши мумкин. Уй ИИБга қарашли бўлиб, унда бошқарма ходимлари ва фахрийлар истиқомат қилишган.

Қутқарув тадбирларида 900 нафар қутқарувчи ва 70 та техника жалб этилган. Асосий тахминга кўра, портлашга газ чиқиши сабаб бўлган. Аммо кўпуровчилик бўлиши мумкинлиги ҳам истисно этилмаяпти.

ЎНИНЧИ САЙЁРА

NASA астрономлари Қуёш атрофида айланувчи яна бир фазовий жисмни аниқлашди. У тахминан Плутон катталигида бўлиб, фақат узоқроқда жойлашган.


Янги сайёра асосан муз ва тошлардан иборат. Унга денгиз маъбудаси шарафига Седна деб ном берилди.

Гарчи астрономия дарсликлариде Қуёш тизимига тўққизта сайёра кириши аниқ қилиб ёзиб қўйилган бўлса ҳам, олимлар ҳамон бу борада баҳслашишади. Баъзилар Плутонни кичик бўлгани учун сайёралар сирасига кириштирмайди. Ундан ҳам кичик бўлган, Қуёш атрофида айланувчи яна кўплаб фазовий жисмлар мавжуд. Аммо Седна бундан истисно бўлса керак. Чунки унинг ҳажми аниқ ҳисоб-китоб қилинса, Плутондан катта бўлиши ҳам мумкин.

ОЛИС ЮЛДУЗ ШУЪЛАСИ

Hubble космик телескопи энг қадимий юлдузлардан бирини суратга олди. Америкалик астрономлар ўн мингга яқин галактика акс этган суратни чоп этишди. Уларнинг шуъласи Ерга 13 миллиард йил деганда етиб келган. Унгача галактикага кирувчи айрим юлдузлар сўниб ҳам бўлган.

Космосни ўзлаштириш соҳасида ишловчи кўпгина америкалик мутахассисларнинг фикрича, телескоплар ва учувчисиз тадқиқот кемалари фан ривожи учун экипажли космик кемаларга қараганда кўпроқ самара бериши мумкин экан.



Саҳифа материалларини Э. САТТОРОВ ва Б. ТОШЕВ тайёрлашди.

Саломатлик сабоқлари

БУ ДАРДНИНГ ДАВОСИ БОРМИ?



Гиёҳвандлик дунёдаги ил-дизини қирқиш қийин бўлган энг чиркин иллатлардан бири бўлса керак. Аксарият ота-оналар фарзандлари бу йўлга кириб кетишидан чўчишади. Хавфнинг олдини олиш учун турли чоралар излашади. Балки куйида эътиборингизга ҳавола этилаётган иккита хатнинг кимгадир фойдаси тегар. Улардан бири онага, иккинчиси собиқ гиёҳвандга тегишли.

БОЛАНГИЗГА ЁРДАМ БЕРИНГ

“Ўғлим 12 ёшда. Унинг эртасидан хавотирданман. Шунинг учун гиёҳвандлик муаммосига беварқ бўлолмайман. Фарзандларимиз келажакда ким бўлиши кўп жиҳатдан биз, ота-оналарга боғлиқ. Уларнинг руҳини гиёҳвандлик деб аталмиш балодан асрай оламизми? Ҳа-ҳа, руҳини. Чунки гиёҳвандлик аввалло кишининг руҳини, маънавий оламини емиради. Сўнг жисмига тажовуз қилади.

Менимча, болаларимизга астойдил ёрдам беришни истасак, аввалламбор уларга гиёҳвандлик моддалари, уларнинг зарари ҳақида очиқ гапи-

ришдан чўчимаслигимиз керак. Ўғлим менинг гапларимни бошда ишонмайроқ, кейин-кейин қизиқиш билан тинглади. Бола гиёҳвандлик воситалари нималиги, уларни истеймол қилиш қандай аянчли оқибатларга олиб келиши ҳақида тўғри тасаввурга эга бўлиши керак.

Сухбатларингиз, қолаверса, умуман муносабатларингиз ўзаро ишончга асосланиши жуда муҳимдир. Зеро, гиёҳванд болалар кўпроқ бир қарашда ахилдай туюлган, аслида эса аъзолар ўртасида руҳий яқинлик, салибият бўлмаган оилалардан чиқади. Бундай

ўсмирлар ўзларини ёлғиз, ҳеч кимга кераксиз ҳис қилишади. Бегоналардан яқинлик, кўмак излаб ёт таъсирларга тушишади.

Болани эшита билиш керак. Токи у ўзининг ички дунёси, ғам-ташвишлари сизга қизиқлигини ҳис қилсин. Унинг дардига ҳамдарад бўлинг, муаммоларини ҳал этишга сўзингиз, ишингиз билан кўмаклашинг.

Яна бир муҳим жиҳат-менимча, болани ҳадеб қойивермаслик керак. Ўсмир катталар тазйиқидан қутилишга ҳаракат қилади. Муомала йўлини топинг. Яхшиси, унга маслаҳат беринг,

ётиги билан гапиринг. Шахсий намуна ҳам катта аҳамиятга эга. “Ичма, чекма”, – деб ваъзхонлик қилсангиз ўзингиз кашанда ёки пияниста бўлсангиз, фарзандингиз насиҳатингизни уч пулга олмайди.

Ва, ниҳоят, энг муҳими ва қийини-болангизни ўзини ҳурмат қилишга, ўзлигини юзага чиқаришга ўргатинг. Аксар ҳолда севги, иш, дўстлик бобида омади чопмаганлар, ҳаётда ўз ўрнини тополмаганлар гиёҳвандликка мубтало бўлишади. Ўсмирда ўзини ҳурмат қилиш, қадрлаш, мустақиллик туйғуси камол топган бўлса, у бошқалар измига берилиб кетавермайди”.

ТАСЛИМ БЎЛМАНГ

“Йигирма ёшга тўлганимда ичишга, чекишга одатланиб бўлгандим. Биринчи марта героин истеъмол қилганимда, гиёҳвандга айланмайман, истаган пайтимда уни ташлаб кетишга иродам, кучим етади, деб ишонардим. Аммо унга борган сари ружу қўя бошладим. Орадан ярим йил ўтиб кўзимни каттароқ очиб қарасам, гиёҳвандлик ботқоғига ботиб бўлибман. Айниқса, мени бу ботқоқ-

ликдан олиб чиқишга уринаётган шўрлик онамга раҳмим келарди. Аммо оғу хумори кучлироқ эди. Ҳатто бир кунмас-бир кун ўзимга укол қилиб, кўлимда шприц билан ўлишга руҳан тайёр ҳам бўлиб қолувдим.

Реабилитация марказида кайфим тарқаб, кўзим очилгандай бўлди. Аммо тузалишимга ишонмасдим. Муолажа даврида умид учқунлари милтиллади, назаримда. Балки, мен ҳам бошқа одамлардек хўшёр яшай оларман, уйланиб, фарзанд кўрарман, ишларман, деган илинж кўнглимга далда берди. Тақдирим ўз кўлимдалигини ниҳоят англаб етдим.

Муолажа тугагач катта бир хатога йўл кўйдим. Энди бутунлай тузалдим деб, ўзимга ортиқча баҳо бериб юборибман. Бу эса жуда қимматга тушди. Эски ошна-оғайнилари билан яна ош-қатиқ бўла бошлагач, уларнинг кайф қилиб юрганини кўриб, гиёҳвандликни бошлаб юборганимни билмай қолдим. Бир неча кун ичида илгариги ва ҳозирги ҳаётим ўртасидаги фарқни, захри қотил кайфи муаммоларимни ҳал қилмаслигини тушуниб етдим. Шундан сўнг яна реабилитация марказида даволанишга аҳд қилдим.

Ҳозир шу марказ қошида ишлаяпман, ўзимга ўхшаганларнинг тузалишига ёрдам бераяпман. Ниҳоят энди азоб-укубатлардан қутилиб, ҳақиқий ҳаёт завқини, гўзаллигини ҳис қилаяпман. Азизларим, дўстларим, гиёҳвандлик – бангилик, нашавандлик

бедаво дард деб ўйламанг! Ҳатто энг ашаддий гиёҳванд ҳам бор иродаси руҳий, ақлий куч-қувватини ишга солса, бутунлай тузалиб, кўрмагандек бўлиб кетади. Ҳа, бу осон эмас, албатта, қатъий хоҳиш, вақт, сабр-тоқат керак. Бу йўлда иккиланишлар, депрессиялар, ортга чекинишлар бўлиши мумкин.

Илтимос, таслим бўлманг, ялқовлик қилманг, ўзингизни, бошқаларни алдаманг, бўшашманг. Ўзингизни қўлга олиб, чидамингизни ишга солинг. Шунда гиёҳвандлик ортга чекинади. Мен тузалдим-ку, сиз ҳам тузаласиз”.

22 март — Халқаро оби ҳаёт куни

БЕБАҲО ҲАЁТ МАНБАИ

БМТнинг атроф-муҳитни муҳофаза қилиш Конвенцияси иштирокчилари қарорига кўра 22 март — Халқаро оби ҳаёт куни деб эълон қилинган. Ҳаётимиз манбаи, бебаҳо бойлигимиз бўлган сувдан исроф қилмай, оқилона фойдаланишимиз зарур. Ўрта Осиё халқлари орасида азалдан сувга катта эътибор бериб келинган. Анҳор, арик, кўл ва ҳовузларни ифлослантириш, тарбиясизлик, гуноҳ ҳисобланган.

Ҳозирги вақтда республика-мизда мавжуд очиқ сув ҳавзалари ҳукуратимиз томонидан қаттиқ назоратга олинган. Чунки сувнинг ифлослантирилиши бир қанча ўта хавfli инфекциялар, ўткир ичак касалликлари, вирусли гепатитлар тарқалишига олиб келиши мумкин.

Аҳолини тоза ичимлик суви билан таъминлаш ҳозирги кунда бутун жаҳонда долзарб масалалардан бири саналади. Ўзбекистон табиий ресурсларга жуда бой. Шулар қаторига ер остидан олинади-

ган маъданли булоқ сувлари, табиий иссиқ минераллашган сувлар қиради. Бундай ресурслардан оқилона фойдаланиб, давлат миқёсида санаторий ва профилакторийлар ташкиллаштирилган. Мамлакатимиз аҳолисини тоза ичимлик суви билан таъминлаш борасида бир қанча услубий хужжатлар ишлаб чиқилган.

Шуни ёдда тутиш керакки, республика ҳудудида жойлашган очиқ сув ҳавзалари ифлосланишига йўл қўймаслик, уларни халқ бойликларидан бири деб қараш ва бу бойликни кўз қорачигидек асраш долзарб вазифалардан биридир.

Д. ТўРАНАЗАРОВ,
табиий хизмат полковниги.

ФАРЗАНДИНГИЗ ГИЁҲВАНД БЎЛСА...

Авалло ҳовлиқманг, ўзингизни ақўлга олинг. Бир нарсани тушунинг: фарзандингиз ҳали ёш ғўрлигига қарамай мустақил шахс. Шу боис мажбурлаб, уриб сўқиб уни бу одатдан воз кечтира олмайсиз. Онгида, руҳида ўзгариш, бурилиш бўлмас экан, маслаҳату насиҳатларингизни қулоғига олмайди.

Уни мажбурлаб даволанишга кўндирманг. Бундай беморлар фақат яқинларини тинчлантириш учунгина муолажа олишади. Касалхонадан чиқишлари билан яна эски одатларини бошлаб юборишади. Гиёҳвандлик кўричак эмаски, кесиби ташласангиз.

Гиёҳванд билан ҳуда-беҳудага жанжаллашманг, тортишманг. У ўртоқлари нотўғри ҳаёт кечираётгани ҳақида асабига тегадиган даражада ваъз ўқиманг, фойдаси бўлмайди. Яхшиси, унинг ўзи ёрдам сўраб мурожаат қилишини кутинг.


Болангизга қайси касалхонага ётишини ўзи танлашини таклиф этинг. Бу фарзандингизга ўз саломатлиги учун масъулият юклайди.

Одатда кўпчилик ўзига таниш шиқорга мурожаат қилишни маъқул кўради. Мабодо танишингиз нарқолог бўлмаса, ундан ёрдам сўраб ўтирманг. Чунки гиёҳвандни даволаш учун билимнинг ўзи етарли эмас, тажриба, кўникма ҳам керак.

ОТА-ОНАЛАРГА ЭСЛАТМА

Гиёҳвандлик моддалари истеъмол қиладиган ўсмирларнинг хатти-ҳаракати, руҳий ва жисмоний ҳолатида куйидаги ўзгаришлар кўзга ташланади:

- ўзлаштириши пасаяди, давомати ва хулқи ёмонлашади;
- одатдаги кўнгилочар томошаларга, спорт, севимли машғулотларга қизиқиши йўқолади;
- ўсмир жуда кўп овқат ейди ёки иштаҳаси йўқолади, кўп ухлайди ёки ухламай қийналади;
- ўртоқларини ўзгартиради, гиёҳванд ўсмирлар билан дўстлашади;
- тез чарчайди, кайфияти бузилади, асабийлашади, жаҳлдор, эҳтиётсиз, бепарво бўлиб қолади;
- хонаси, столининг тортмалари, қутюга ғаладонларини қулфлаб юрадиган одат чиқаради.



Турмуш чорраҳаларида

Спиртли ичимликнинг касофати ҳақида кўп эшитганмиз. Лекин аёл киши – ёш жувоннинг бадмастлиги оқибатида юз берган ушбу воқеа...
Ички ишлар бошқармасига кириб келган аёл навбатчи томонга йўналди. Унга бир оғиз ҳам гапирмай, кўлидаги қораланган қоғозни узатди. Навбатчи аризани ўқигунча, аёл чўнтагидан рўмолча олди-да, пиқиллаб йиғлай бошлади. Пойтахтимиз туманларининг бирида яшовчи бу аёл – Марина Ковал ўз аризасида 2000 йилда туғилган ўгли Станислав икки кун аввал “ҳовлида ўйнайман” деб чиқиб кетганча бедарак йўқолганини билдириб, болани топишда кўмак сўрагани.

Уч ёшли болакай ёлғиз ўзи узоққа кета олмаслиги маълум. Хонадонга яқин ерда серҳаракат кўча ёки каттароқ ариқ йўқ. Демак, болани кимдир атайлаб ўғирлаган бўлиши мумкин.

Зудлик билан тузилган тергов-тезкор гуруҳи суриштирув ишларини бошлаб юборди. Лекин Станиславнинг дараги чиқмади, уни “кўрдим” деган одам йўқ эди.

Боланинг отаси – фирмалардан бирининг оддий ишчиси Леонид Черненко-нинг дўстлари, таниш-билишлари, ҳамкасблари ҳам бирма-бир суриштирилди. Леонид Ильич оғирбосиқ кўрингани билан, сержаҳлиги кўз қарашлари, уюлган қовоқларидан сезилиб турарди. У: – Бирон бир душманам йўқки, мендан ўч олиш учун боламни ўғирлаб кетса. Ёки мен бой-бадавлат эмасманки, бойлигимга кўз тикиб, пул ундириш мақсадида шу ишни қилса, – дерди ҳар гал тезкор ходимлар билан фикрлашганда.

Суриштирув, қидирувлардан кутилган натижа чиқмас, вақт эса ўтиб борарди. Боз устига, болани фалон пул эвазига қайтариш ҳақида уйга ёки отасининг ишхонасига ҳеч ким кўнғироқ қилмади...

Орадан бир ҳафта ўтгач, бола йўқолган куни унинг онаси Марина қаттиқ маст ҳолатда уйдан дугоналарини кузатиб чиққани, кечга томон эса оғир рўзгор сумкасини кўтариб, қаёққадир кетгани аниқланди.

– Ўшанда, Марина уйдан чиқаётди хонадони эшигини кулфлаб кетгани, – деди кўшни аёллардан бири. – Қайтиб келгач, ўзи эшикни очиб, ичкарига кирди. Аммо бола кўринмади. Агар у уйда қолганида кулфлоглик эшикдан чиқиб кета олмасди. Агар кўчада бўлса, онаси қайтгунча, уни бирор киши кўрарди. Марина кўпинча маст ҳолда юради. У кайф устида аввалроқ бирор жойга бориб, боласини

қолдириб келган бўлиши мумкин.

Марина Ковал билан ўтказилган навбатдаги суҳбат чоғида юқоридаги тахмин айтилди.

– Йўқ, мен ўғлимни ҳеч

тергов гуруҳи бошлигининг саволларига бардош беролмаган Маринанинг боши тобора эгилиб, пиқиллаб йиғлашдан тўхтамасди. “Сумканинг ичида нима бор эди?” деган саволдан бир сесканди-ю, терговчининг кўзларига кўркув ва даҳшат билан қаради. Ана шу қарашнинг ўзиёқ бу аёл кўп нарсдан хабардор эканлигини кўрсатиб турарди...

– Мен... мен... маст эдим, – бошини эгганча гап бошлади аёл. – Билмай қолдим... Чўмилиш учун ваннага сув тўлдириб қўйгандим...

Ўша куни Маринанинг кайфи тароқ эди. У тушликка яқин уйга “бирров

ча кайфини тарқатиш ҳаракатига тушди. Бунинг энг яхши йўли иссиққина сув тўлдирилган ваннада яхшилаб чўмилиб, бир ухлаб олиш деб билди.

Аёл шу ўй билан ҳаммомга кириб, ваннани тўлдириш мақсадида жўмракларни очиб қўйди. Хонага қайтиб, диванга ёнбошлади. Телевизорга маҳлиё бўлиб ётиб, кўзи уйқуга кетганини сезмай қолди.

Онасининг ёнига дугоналари келганда бир четда жимгина ўзини ўзи овутиб ўтиришга ўрганган ювошгина Стасик ҳаммомга кириб ваннага сув тўлганини кўрди, аммо онасини уйғотишга юраги дов берма-

У жон-жаҳди билан талпиниб, сувдан чиқишга уринаверди. Лекин қайта-қайта сирпаниб, йиқилиб, охири ҳолдан тойди...

Марина уйғонганда қуёш ботаётганиди. Боши лўқиллаб оғриётган аёл соатга қаради. Кечки беш бўлибди. “Тўрт соат ухлабман-а, яхшиям бугун эрим кеч келади. Бўлмаса, овқат тайёр бўлмабди деб яна галва кўтарарди” дея хаёлидан ўтказган аёл ювиниш учун ҳаммомга кирди-ю даҳшатли манзарадан қотиб қолди.

У жўмракдан ҳамон оқиб тушаётган сувни тўхтатиб-тўхтатмай боласини сувдан чиқарди. Стасик аллақачон оламдан ўтган, мурғак гавдаси шишиб, кўкариб кетганиди.

Ичкилик касофати туфайли мудҳиш хатога йўл қўйган аёл талвасага тушиб яна бир қабоҳатга қўл урди. У: “Эрим Станислав ўлганини билса, мени ҳам соғ қўймайди” деган хаёлда болани эски чойшабга ўраб, катта рўзгор сумкасига жойлади. Унинг ёнига калта сопли белкуракни солди. Қош қорайганда уйдан чиқиб, эшикни кулфладию, уч-тўрт чақирим нарига, кўшни тумандаги катта канал бўйига йўл олди.

Қиш илиқ келгани билан тунлар анча изғиринли эди. Шу боисданми, кўчада деярли ҳеч ким кўринмасди. Марина атрофга аланглаганча, каналнинг кимсасиз қирғоғига етиб борди. Ўзи мўлжаллаган жойдан шоша-пиша чуқурча қазий бошлади...

Юки енгиллашиб, уйга қайтган Марина шу тун ва эртаси куни кечгача кўнжқўшнлардан “кўчада ўйнайман, деб уйдан чиқиб кетиб, қайтмаган” ўғлини сўраб-суриштириб, гўё излаб юрди.

Бадмастлик оқибатида гулдек фарзандидан айрилган аёл тергов-тезкор гуруҳи ходимларига ўғлининг жасади кўмилган жойни кўрсатди. Боланинг мурдаси қазиб олинди...

Марина Ковал, табиийки, ўз қилмиши учун қонуний жазо олди. Умид қиламизки, ушбу воқеа “кўнғил чигилликларини ёзиш учун” юз граммдан ичиб, кейин ичкиликка ўрганиб қолган айрим аёлларга сабоқ бўлади. Зеро, спиртли ичкиликка ружу қўйган бирорта эркак ёки аёл элда обрў топмаган.

Шаҳзода ХУДОЙБЕРДИЕВА.

БИР ПИЁЛА МАЙ...



қаерга олиб кетганим йўқ, – деди кўзларига ёш олиб аёл. – Йўқ, йўқ...

– Уни уйда қолдирмагансиз, ҳовлида ҳам кўринмаган. Тўғрисини айтинг, уйдан олиб чиқиб кетилган сумканинг ичида нима бор эди? Уни қаерга ташлаб келдингиз?

Атиги йигирма уч ёшда бўлса-да, сурункали ичкилик туфайли кўзларининг ости салқиб, юзига ажин туша бошлаган, Тезкор-

кирган”, ўзига ўхшаш икки дугонаси билан икки шиша ароқни ичиб, тугатди. Улар кетишгач, Маринанинг ёдига ўзидан деярли йигирма беш ёш катта баджаҳл эри Леонид тушди. У хотинининг мана шундай бемаврид, айниқса, тайини йўқ дугоналари билан бўкиб ичишини ёқтирмас, агар сезиб қолса, жанжал бўлиши тайин эди. Марина шуларни ўйлаб, эри ишдан қайтгун-

ди. Чунки онаси дам олаётганда бирор нарса сўраса, “тек ўтир!” дея уни итариб ташларди.

Болакай бор бўйи билан чўзилиб, жўмракдан шариллаб оқаётган сувга қўлини тутди. Илиқ сувни шапиллатиб ўйнаб, ўзича завқ олди. Бу машғулота шунчалик берилиб кетдики, қандай қилиб силлик, сирпанчик ваннага боши билан шўнғиб кетганини билмай қолди...

Бухоро вилояти ИИБ раҳбарияти ва шахсий таркиби Шофиркон тумани ИИБ бошлиғи, милиция подполковниги Б. Соибовга онаси **АМИНА** аянинг вафот этганлиги муносабати билан чуқур ҳамдардлик билдирадilar.

Республика ИИБ Тергов Бош бошқармаси раҳбарияти ва шахсий таркиби Бош бошқарманинг собиқ ходими, истеъфодаги милиция майори **Ҳолида АБДУЛЛАЕВ**нинг вафот этганлиги муносабати билан марҳуманинг оила аъзолари ва яқинларига чуқур таъзия билдирадilar.

Тошкент вилояти ИИБ раҳбарияти ва шахсий таркиби Чирчиқ шаҳар ИИБ 1-шаҳар милиция бўлини маси навбатчилик қисмининг катта инспектори, катта лейтенант **Жалол СУЛИЕВ**нинг фожиали ҳалок бўлгани муносабати билан марҳумнинг оила аъзолари ва яқинларига чуқур ҳамдардлик билдирадilar.

Республика ИИБ Академияси раҳбарияти ва шахсий таркиби ички ишлар идоралари фаолиятида психология ва педагогика кафедраси бошлиғи, милиция подполковниги Р. Маҳмудовга акаси **Боймурод МАҲМУДОВ**нинг бевақт вафот этганлиги муносабати билан чуқур ҳамдардлик билдирадilar.



Муҳайё, Сурайё, Раъно, Муқаддас, кўзимни яшнатиб кийибсиз атлас. Ш. ҚОРАБОЕВ олган сурат.

ЎҚИНГ, БУ ҚИЗИК!

ЯПОНЛАР «РИССОН» ДЕЙИШАДИ

Марказий ва Ўрта Осиёда яшовчи халқлар кенг нишонланадиган баҳор байрамини «Наврўз» дейишади, японларда «Риссон», хитойларда «Чульце», славян халқларида «Масленница» деб аталади.

ҚОРБОБО ЎРНИГА... НАВРЎЗБОБО

Одатда Янги йилда хонадонларга Қорбобо ва Қорқиз ташриф буюришади. Шунга ўхшаш Наврўз кунини ҳам дилларни хушнуд этувчи рамзий сиймолар бор. Булар сайилларда давра турини эгаллайдиган Наврўзбобо, Баҳорхоним, Момоер, Деҳқонбобо, Ҳосилжон, Пахтаойлардир.

НАВРЎЗ ГИМНИ

Айём муносабати билан ташкил этилган тантаналарда «Дилдор», «Ушшоқ», «Шашмақом» каби куйлар ижро этилади. Ҳатто байрамнинг гимни ҳам мавжуд бўлиб, у «Наврўзи ажам» деб аталади.

ҚУВВАТИ ЖЕНШЕНГА ТЕНГЛИГИ РОСТМИ?

Сумалак таркибида токоферал, яъни Е дармондориси мавжуд. У фақат ёгда эрийди, олов таъсирида емирилмайди. Маълумки, сумалак 110-120 даражадаги иссиқликда пишади. Олимлар 1 кг. буғдой ўсимтасини янчиб, текшириб кўришганда ундан 3000 МЕ (халқаро ўлчов бирлиги) токоферал олиш мумкинлиги аниқланган. Шунча микдордаги дармондорининг шифо қуввати ҳаёт илдизи, деб аталувчи женшенга баробардир.

Баҳор илҳомлари

АЙЁМИНГ МУБОРАК, ЎЗБЕКИСТОНИМ!

Кўклам шабадаси эсмоқда мана,
Ўлкамга келмоқда қутлуг бир сана.
Гулларга буркангай дала, қир яна,
Наврўзинг муборак, Ўзбекистоним!

Табаррук ёшида момолар ҳалак,
Дошқозон бошида кавлар сумалак.
Ҳар жойда куй-қўшиқ, авжиди тилак.
Наврўзинг муборак, Ўзбекистоним!

Бугун ёд этасан ёлғиз кимсани.
Меҳрга ташнани, бемор, кексани.
Саховат маскани, меҳр маскани,
Наврўзинг муборак, Ўзбекистоним!

Бугун барг ёзмоқда кечаги куртак,
Юртим чирой очган гўё келинчак.
Баҳорий илҳомдан антикар юрак,
Наврўзинг муборак, Ўзбекистоним!

Эркинбой РЎЗИБОВЕВ,
милиция катта сержанти.



ЎЛКАДА КЕЗАР НАВРЎЗ

Ёқимли эсар сабо,
Тоза, мусаффо ҳаво.
Қушлар тилида наво,
Ўлкада кезар Наврўз!

Йигитлар ёрин излар,
Жунбушга келар ҳислар.
Қирмизи, лобар қизлар
Чехрасин безар Наврўз!

Булут қуяр жалалар,
Очилмишдир лолалар.
Фусункордир далалар,
Сар-сари кезар Наврўз!

Кўкда ёнар камалак,
Дошқозонда сумалак.
Гул-гул очилиб малак,
Дилларга инар Наврўз!

МУШАРРАФ,
Андижон вилояти.

ХАҚИДАЛАР

- Меҳнат таътилини қаерда ўтказдингиз, биродар?
- Ярмини тоғда.
- Қолган қисмини-чи?
- Гипсда...


- Дўхтир, ёрдам беринг, хотиним эр-талабгача ухламай чиқади.
- У нима қилади?
- Мени кутади...

- Дадаси, дарҳол машинани ортга қайтаринг, - деди орқа ўриндикда ўтирган аёл бирдан ҳаяжонга тушиб.

- Нима гап, тинчликми? - Дазмолни ўчирмабман. Ёнгин чиқиши мумкин.
- Парво қилма хотин, ҳаммаси жойида бўлади, - деди эр бамайлихотир. - Чунки мен душнинг жўмрагини маҳкамлашни унутибман.

- Математика дарсида.
- Валижон, нега ёзма ишни Одилдан кўчирдинг?
- Буни қаердан билдингиз, устоз?
- У: «Ҳеч нарса билмайман» деб ёзибди. Сен эса: «Мен ҳам» дебсан...

«БАЙРАМ» КРОССВОРДИ



ЎТГАН СОНДА БЕРИЛГАН КРОССВОРДНИНГ ЖАВОБЛАРИ

БЎЙИГА: 1. Дилноза. 2. Шеробод. 3. Қаламча. 4. Тўмарис. 9. Эверест. 10. Фарғона. 11. Даугава. 12. Таассуф. 13. Боржом. 18. Муаллим. 19. Асадбек. 20. Йўлбарс. 21. Жўналиш. 24. Эҳтиром. 25. Кунжара. 26. Муаррих. 27. Зурриёт. 28. Таннарх. 33. Амударё. 34. Қимизак. 35. Ишончи. 36. Муқимий.

ЭНИГА: 5. Шридеви. 6. Олабўжи. 7. «Конкорд». 8. Нигата. 14. Теорема. 15. «Дохунда». 16. Суматра. 17. Бек ойм. 19. Арнасой. 21. Жонстон. 22. Мулкдор. 23. Олбрайт. 29. Отаннум. 30. Каракас. 31. Шудринг. 32. Ярмарка. 34. Қайроқи. 36. Мичиган. 37. Қадрият. 38. Хонқизи. 39. Чорраҳа. 40. «Балтика».

Муҳтарам муштарийлар! Маълумлар куйида таърифланган 22 та сўзни топиб, уларни расмдаги тик қаторларнинг катакларига тартиб билан ёзиб чиқинг.

1. Кўкламда очиладиган хушбўй чечак-гул. 2. Шамсия йили ҳисобида янги йил кирадиган кун. 3. Миллий таом. 4. Барг. 5. Кабоб пишириладиган асбоб. 6. Ҳузур-ҳаловат ҳисси. 7. Нон, сомса ёпиш қурилмаси. 8. Офтоб чиқадиған томон. 9. «Дарахтда тўқ қизил бир олма пишиди, иккига ажратсам, мунчоқлар тушди» (янги топишмоқлардан). 10. Санъат тури. 11. «Дилдан сўзлар териб маржонга... айтай сөндай жононга» (Пўлат Мўмин). 12. Одам. 13. Чолғу асбоби. 14. «Қизил юзларимдан бир ўпганнинг армони йўқ, - дер... олма» (Уйғун). 15. Мамлакат, юрт. 16. Куйни созда ижро этувчи (арабча сўз). 17. Атиргулнинг ёқимли хониш қилувчи хуштори. 18. Ўзбек халқининг энг севимли таомига керакли асосий масалликлардан бири. 19. Ханда. 20. Наврўз байрамига атаб тайёрланадиган таом. 21. «Кўз очиб билдирди, қад бирла ёчи тенг эрканин, зоҳир ўлғондек туну кун тенглиги Наврўздир» деган байтнинг муаллифи ким? 22. «Офарин», «Таҳсин» сўзларининг арабча айтилиши.

Агар топиб ёзилган жавоб сўзлари тўғри бўлса, шаклнинг доирачалар қизилган катакларида ўзбек халқ мақолларидан бирини ўқийсиз.

Ҳамидулла АБДУЛЛАЕВ тузди.

<p>ЎЗБЕКISTON RESPUBLIKASI IIV BIRLASHGAN Tahririyati</p> <p>MANZILIMIZ: 700029, Toshkent, Yunus Rajabiy ko'chasi, 1</p>	<p>Bosh muharrir Shuhrat MURODOV</p>		<p>TELEFONLAR: Bosh muharrir o'rinbosari 139-75-69. Kotibiyat 139-73-88. muxbirlar bo'limi 139-77-23, 59-27-15. Buxgalter 139-75-37. Faks 132-05-51.</p>	<p>Tahririyat hisob raqami 20210000700447980001, MFO 00421.</p> <p>«I'pak yo'li» aksiyadorlik investitsiyaviy tijorat bankining Mirzo Ulug'bek bo'limi.</p>	<p>• Ko'chirib bosishda «Postda» dan olinganligini ko'rsatish shart</p> <p>• Muallifning mulohazasi tahririyat fikriga mos tushmasligi mumkin. Maqolada keltirilgan misollar, raqamlar, ma'lumotlarning aniqligi uchun mualliflar javobgardirlar.</p> <p>• Qo'lyozmalar tahlil qilinmaydi va qaytarilmaydi.</p>	<p>Obuna raqamlari: Yekka tartibda — 180 Tashkilotlar uchun — 366</p> <p>Gazeta haftaning payshanba kunlari chiqadi.</p> <p>Bosishga topshirish vaqti — 20.00. Bosishga topshirildi — 20.00.</p>
	<p>Bosh muharrir o'rinbosari v.b. Murod TILLAYEV</p> <p>Mas'ul kotib Rahmatilla BERDIYEV</p>	<p>Navbatchi Qobiljon SHOKIROV</p> <p>Sahifalovchi Zokir BOLTAYEV</p>	<p>E-mail: urmvd@globalnet.uz</p>	<p>GAZETA O'ZBEKISTON MATBUOT VA AXBOROT AGENTLIGIDA 007 RAQAM BILAN RO'YXATGA OLINGAN</p> <p>Buyurtma J-000088. Bosilish — ofset usulida.</p>	<p>Hajmi — 4 bosma taboq. 54103 nusxada chop etildi.</p>	<p>Toshkent matbaa kombinatida chop etildi.</p> <p>Korxonamanzili: Alisher Navoiy ko'chasi 30-uy.</p> <p>© — Internet va xorijiy matbuot vositalarini asosida tayyorlandi.</p>